



安徽通志

ル 5
1575
66



孔氏
1875
66

重修安徽通志卷一百九十六

人物志

宦績 十九

鳳陽府

周甘茂下蔡人因張儀樗里子而求見秦惠王王悅之蜀侯輝相壯反秦使茂定蜀還為左丞相使之魏約伐韓茂恐樗里子公孫奭聞之要王盟於息壤遂伐韓宜陽五月不拔二人果爭之王召茂欲罷兵茂曰息壤在彼王曰有之因大起兵擊之遂拔宜陽後竟以向壽公孫奭之讒亡去卒於魏史記本傳

甘羅茂之孫也年十二事秦相呂不韋秦使張唐相燕欲以燕伐趙以廣河閒之地唐不肯行甘羅怵之以白起之誅而唐請往羅復請於不韋往說趙因怵趙以張唐相燕將兵伐趙之事

重修安徽通志

卷一百九十六 人物志

宦績

一

鳳陽府



而趙自割五城以廣河間甘羅還報秦封羅以上卿史記本傳

漢陳萬年字幼公沛郡相人為郡吏察舉至縣令遷廣陵太守

以高第入為右扶風遷太僕廉平內行修以丙吉薦代于定國

為御史大夫子咸字子康以萬年任為郎有異材抗直數言事

刺譏近臣遷為左曹萬年卒元帝擢咸為御史中丞總領州郡

奏事課第諸刺史內執法殿中公卿皆敬憚之石顯用事顯權

咸頗言其短顯憾之奏咸漏泄省中語下獄因廢成帝即位補

長史遷冀州刺史徵為諫大夫出為楚內史北海東郡太守坐

王章免官復起為南陽太守豪彊執服令行禁止後徵為少府

又為光祿大夫給事中以事免漢書本傳

薛廣德字長卿沛郡相人以魯詩教授楚國龔勝舍師事焉蕭

望之薦廣德經行宜充本朝為博士論石渠遷諫大夫代貢禹

為長信少府御史大夫為人溫雅有蘊藉及為三公直言諫爭

始拜旬日上幸甘泉郊泰畤因畱射獵廣德上書諫上即日還

其秋上耐祭宗廟出便門欲御樓船廣德當乘輿免冠頓首曰

宜從橋上亦從之後月餘乞骸骨賜安車駟馬東歸沛以為榮

縣其安車傳子孫漢書本傳

竇子明銓人元封中陵陽令專務淵默化民清靜為治縣務自

理一統志太平寰宇記

范遷字子廬按漢官儀沛國人為漁陽太守以智略安邊匈奴

不敢入界後為河南尹永平四年代郭丹為司徒有宅數畝田

不過一頃復推與其兄子其妻曰君有四子而無立錐之地可

餘奉祿以為後世業遷曰吾備位大臣而蓄財求利何以示後

世八年正月薨在位四年家無擔石焉後漢書郭丹傳

徐防字謁卿沛國鉅人祖父宣爲講學大夫以易教授父憲亦傳宣業防少習父祖學永平中舉孝廉除爲郎體貌矜嚴占對可觀顯宗異之特補尙書郎職樞機周密畏慎和帝時遷司隸校尉出爲魏郡太守遷少府大司農拜司空防以五經久遠聖意難明宜爲章句以悟後學上書言太學試博士弟子皆以意說不修家法臣以爲博士及甲乙策試宜從其家章句開五十難以試之解釋多者爲上第引文明者爲高說若不依先師義有相伐皆正以爲非詔書下公卿皆從防言拜爲司徒遷太尉參錄尙書事安帝卽位以定策封龍鄉侯免就國卒子衡當嗣讓其弟崇數歲不得已乃出就爵云後漢書本傳

夏勤字伯宗九江壽春人爲京宛二縣令零陵太守所在有理能稱安帝永初三年以鴻臚代魯恭爲司徒元初二年罷後漢書安

帝紀樊宏傳章懷太子注

陳寵字昭公沛國浚人咸之曾孫也咸第三子欽欽子躬建武初爲廷尉左監早卒躬生寵明習家業少爲州郡吏辟司徒鮑昱府勤心物務昱高其能轉爲辭曹掌天下獄訟其所平決無不厭服眾心爲昱撰辭訟七卷公府奉以爲法肅宗初爲尙書時吏政尙嚴寵以爲宜改前世苛俗乃上疏言之帝深敬納遂詔有司絕鉅鑽諸慘酷之科解妖惡之禁除文致之請讞五十餘事定著於令漢舊事斷獄報重常盡三冬帝始改用冬初十月賈宗上言以爲宜盡三冬寵奏聖功美業不宜中疑帝納之遂不復改出爲太山太守轉廣漢太守訟者日減郡中清肅擢大司農永元六年爲廷尉數議疑獄務從寬恕十六年代徐防爲司空寵雖傳法律而兼通經書奏議溫粹號爲任職在相位

三年薨後漢書本傳

陳忠字伯始寵之子也永初中辟司徒府遷廷尉正司徒劉愷舉忠明習法律宜備機密擢拜尚書居三公曹忠自以世典刑法用心務在寬詳初父寵在廷尉上除漢法溢於甫刑者未施行忠略依寵意奏上二十三條為決事比又上除蠶室刑解賊吏三世禁錮狂易殺人得減重論母子兄弟相代死聽赦所代者事皆施行安帝始親朝事忠以為宜徵聘賢才以宣助風化數上薦隱逸及直道之士後連有災異詔上封事忠慮言事者激切或致不能容乃上疏豫通帝意忠以久次轉為僕射遷尚書令延光三年拜司隸校尉糾正中官外戚賓客近倖憚之不欲忠在丙出為江夏太守復畱拜尚書令卒後漢書本傳

桓典字公推沛郡龍亢人太常榮之元孫也傳其家業以尚書

教授潁川舉孝廉為郎會沛相王吉被誅故人親戚無敢至者典棄官收葬服喪三年貧土成墳立祠堂而去辟司徒袁隗府舉高第拜侍御史是時宦官秉權執政無所迴避常乘驄馬京師畏憚為之語曰行行且止避驄馬御史及黃巾賊起滎陽典奉使督軍破賊獻帝即位從西入關拜御史中丞賜爵關內侯

後漢書桓榮傳

桓鸞字始春沛國龍亢人父良為龍舒侯太尉焉之弟也少立操行縑袍糲食不求盈餘以世濁不肯仕年四十餘太守向苗舉鸞孝廉遷膠東令始到官而苗卒即棄職奔喪終三年然後歸江淮之間高其義後為己吾汲二縣令甚有名跡徵拜議郎上陳五事悟丙豎不省以病免後漢書桓榮傳東觀漢記

劉馥字元穎沛國相人建安初曹操表為揚州刺史馥單馬造

合肥空城建立州治恩化大行流民歸者以萬數於是聚諸生立學校廣屯田興治芍陂及茹陂七門吳塘諸場以溉稻田官民有畜又高為城壘多積木石編作草苫數千萬枚益貯魚膏數千斛為戰守備建安十三年卒後孫權攻合肥天雨城欲崩以苫蓑覆之夜然脂照城以為備士民追思之比之董安于之

守晉陽

三國志本傳

魏倉慈字孝仁淮南人建安中曹操開募屯田於淮南以慈為綏集都尉黃初末為長安令清約有方吏民畏而愛之太和中遷燉煌太守郡在西陲喪亂隔絕大姓雄張慈到抑挫權右撫恤貧羸甚得其理歲決刑不過十人民翕然稱其德卒於官吏民悲痛如喪親戚圖畫其形立祠祀之

三國志本傳

劉子揚淮南成惠人汝南許邵名知人稱其佐世之才揚州輕

俠鄭寶擁部曲欲彊逼子揚越赴江表以計斬之乘寶馬詣寶營呼其渠帥喻以禍福遂統其眾歸廬江太守劉勳又從勳歸曹操辟為司空倉曹掾授以心腹之任每有疑事輒以函問至一夜數十至操征張魯轉為主簿黃初元年為侍中賜爵關內侯太和中為大鴻臚以大中大夫卒謚曰景子陶字季治善論縱橫為當時所推曹爽時為選部郎鄧颺之徒稱之以為伊呂毋邱儉之起也司馬師以問陶陶答依違師怒出為平原太守又追殺之

三國志劉騰傳並注 干寶晉紀

史渙字公劉沛國人少任俠有雄風曹操初起以客從行中軍校尉從征伐以忠勇顯常監諸將見親信轉中領軍掌禁兵封列侯

三國志夏侯惇傳並注

劉靖相人馥之子也黃初中從黃門侍郎轉廬江太守遷尚書

賜爵關內侯出為河南尹散騎常侍應璩作書稱之以為雖昔
 趙張三王之治未足以方後為大司農衛尉進封廣陸亭侯上
 疏陳儒訓之本遷鎮北將軍假節都督河北諸軍事靖以為經
 常之大法莫善於守防使民夷有別遂開拓邊守屯據險要又
 修廣戾渠陵大塌水溉灌薊南北三更種稻邊民利之嘉平六
 年薨追贈征北將軍封建成鄉侯諡曰景子熙嗣三國志 劉瓛傳
 胡質字文德楚國壽春人父敏字通達以方正徵曹操問蔣濟
 曰胡通達長者也甯有子孫否濟曰有子曰質規模大略不及
 於父至於精良綜事過之操即召質為頓邱令黃初中為吏部
 郎常山太守遷任東莞在郡九年吏民便安遷荊州刺史加振
 威將軍賜爵關內侯吳朱然圍樊城質輕車赴之城中乃安遷
 征東將軍假節都督青徐諸軍事廣農積穀有兼年之儲置東

征臺且佃且守又通渠諸郡利舟楫嚴設備以待敵海邊無事
 嘉平二年卒家無餘財惟有賜衣書篋而已追封陽陵亭侯諡
 曰貞子威嗣三國志本傳 胡氏譜
 蔣濟字子通楚國平阿人初仕郡計吏州別駕建安十三年孫
 權圍合肥時軍有疾疫惟遣張喜領千騎解圍濟白刺史偽得
 喜書云步騎四萬已到權聞而燒圍走拜丹陽太守文帝受禪
 土萬機論帝善之黃初三年詔與曹仁征吳仁不從其言而敗
 以濟代領其兵明帝即位賜爵關內侯曹休率兵向皖濟策其
 必敗請即詔諸軍救之已而休累退還遇救而免累遷至護軍
 將軍散騎常侍齊王時進爵昌陵亭侯遷太尉高堂隆論郊祀
 以魏為舜後濟為文以追詰隆雜以俳諧而頗中其失司馬懿
 誅曹爽濟初作書與爽言不過免官爽遂不出奔而致滅族自

病其言發疾卒 三國志本傳並注

桓範字元則沛國人也為冠族延康中為羽林左監以有文學與王象等典集皇覽明帝時為中領軍尚書遷征虜將軍使持節都督青徐諸軍事以事坐免正始中拜大司農前在臺閣號為曉事及為司農又以清省稱嘗鈔撮漢書中雜事以意斟酌之名曰世要論曹爽輔政以範鄉里老宿特敬之及司馬懿欲誅爽閉城門範矯詔出城詣爽說其以天子赴許昌徵兵為輔爽不能從範曰老子今坐卿兄弟族矣遂與爽等同誅 魏略
吳薛綜字敬文沛郡竹邑人孫權召為五官中郎除合浦交阯太守黃龍三年建昌侯慮為鎮軍大將軍屯半州以綜為長史慮卒入守賊曹尚書遷尚書僕射時權盛怒欲親征公孫淵綜上書諫權遂不行徙選曹尚書為太子少傅卒凡所著詩賦難

論數萬言名曰私議又定五宗圖述二京解皆傳於世子翊官

威南將軍 三國志本傳

魯肅字子敬臨淮東城人家富於財性好施與以賑貧結士為務周瑜為居巢長過候肅并求資糧肅指三千斛米一困與之遂相親接瑜薦肅於孫權與言大悅肅因說權鼎足江東以觀天下之釁權遣肅弔劉表喪行至夏口聞曹操已據荊州肅徑到當陽迎劉備勸其與權併力肅既反命眾皆勸權迎操肅獨說權召周瑜拒之遂破操於赤壁周瑜將死薦肅自代即拜奮武校尉代瑜領兵威恩大行拜漢昌太守偏將軍從破皖城轉橫江將軍年四十六卒權為舉哀遺腹子淑永安中為昭武將軍都亭侯武昌督建衡中假節遷夏口督所在嚴整有方幹卒子睦襲爵領兵馬 三國志本傳

鄭胄字敬先沛國人父札為孫權從事中郎定朝儀胄有文武
咨局舉賢良稍遷建安太守呂壹賓客於郡犯法胄收付獄壹
懷恨密譖胄權大怒召胄還潘濬陳表為請得釋後拜宣信校
尉遷執金吾子豐與陸雲善與雲詩相往反司徒張華辟未就

卒 三國志孫權傳並注

晉武陔字元夏沛國竹邑人父周魏衛尉陔沈敏有器量與二
弟韶茂並總角知名魏明帝世為下邳太守累遷司隸校尉初
封亭侯改封薛縣侯泰始初拜尚書掌吏部遷左僕射左光祿
大夫開府儀同三司陔以宿齒舊臣名位隆重自以無佐命之
功又在魏已為大臣不得已而在位深懷謙讓卒諡曰定子輔
嗣韶字叔夏歷吏部郎太子右衛率散騎常侍茂字季夏名亞
於陔為上洛太守散騎常侍中尚書後為荀愷所陷見害茂

清正方直聞於朝野天下傷焉侍中傅祗上表申明之追贈光

祿勳 晉書本傳

袁甫字公胄淮南人好學以詞辯稱嘗詣中領軍何劭自言能

為劇縣除松滋令轉淮南大農 晉書本傳

胡威字伯武一名貔淮南壽春人魏荊州刺史質之子也威早

厲志尚質為荊州威自京都省之十餘日告歸父賜絹一匹為

裝威曰大人清高不審如何得此質曰是吾俸祿之餘以為汝

糧威乃受之為侍御史歷南鄉侯安豐太守遷徐州刺史勤於

政術風化大行人朝武帝謂曰卿與父孰清對曰臣父清恐人

知臣清恐人不知臣不及遠也累遷監豫州諸軍事右將軍豫

州刺史入為尚書加奉車都尉拜前將軍監青州諸軍事青州

刺史封平春侯卒贈鎮東將軍諡曰烈子奕嗣奕字次孫仕至

平東將軍威弟罷字季象亦有幹用仕至益州刺史安東將軍

晉書本傳

劉惔字真長沛國相人祖宏字終嘏光祿勳宏兄粹字純嘏侍中弟漢字冲嘏吏部尚書並有名中朝時人語曰洛中雅雅有三嘏父丹晉陵太守亦知名惔少清遠王導深器之論者比之荀粲尚明帝女廬陵公主累遷丹陽令為政清整門無雜賓每奇桓溫才而知其有不臣之跡及溫為荊州惔言於帝曰溫不可使居形勝地其位號常宜抑之帝不納年三十六卒孫綽誅之云居官無官官之跡處事無事事之心時人以為名言晉書本傳桓宣譙國鉅人祖詡義陽太守父弼冠軍長史宣開濟篤素為丞相舍人南中郎將王含請為參軍祖詡攻樊雅求助於含遣宣往宣即說雅降之詡留宣討諸未服皆破之遷譙國內史詡

卒祖約與蘇峻同反宣拒約不與之同後陶侃使鎮襄陽以其淮南部曲立義成郡招懷初附勸課農桑十餘年聞石季龍再遣騎攻之宣得眾心每以寡弱距守論者以為次於祖逖周訪庾亮為荊州以宣為都督河北前鋒征討軍事平北將軍司州刺史假節鎮襄陽季龍使騎七千渡沔攻之三面為地窟攻城宣募精勇出其不意殺傷數百多獲鎧馬賊解圍走庾翼代亮更以宣為都督司梁雍荊州之四郡軍事梁州刺史封竟陵縣男宣久在襄陽綏撫僑舊甚有稱績卒贈鎮南將軍子戎官至新野太守晉書本傳

桓伊字叔夏譙國鉅人父景有當世才仕至侍中丹陽尹中領軍護軍將軍長社侯伊有武幹累遷大司馬參軍授淮南太守以綏御有方進督豫州之十二郡揚州之江西五郡軍事建威

將軍歷陽太守與謝元共破苻堅別將王鑒張蚝等封宣城縣子又進都督豫州諸軍西中郎將豫州刺史苻堅南寇與謝元俱破堅於肥水封永修縣侯進號右軍將軍伊在州十年綏撫荒雜甚得物情遷都督江州荊州十郡豫州四郡軍事江州刺史徵拜護軍將軍卒贈右將軍加散騎常侍諡曰烈子肅之嗣卒子陵嗣伊弟名不才亦有將略討孫恩至冠軍將軍晉書桓宣傳桓沖字幼子譙國龍亢人贈太常簡公彝之季子也從其兄溫征伐有功督荊州五郡雍州京兆揚州義城軍事甯朔將軍義城新野二郡太守又從溫破姚襄及虜周城進號征虜將軍賜爵豐城公遷振威將軍江州刺史西陽譙二郡太守溫卒詔為中軍將軍都督江揚豫三州軍事盡忠王室謝安輔政沖解揚州自求外出溫舊黨莫不扼腕而沖處之澹然改授都督徐兗

豫青揚五州軍事徐州刺史鎮京口加侍中復解徐州以車騎將軍都督豫江二州軍事遷鎮姑孰尋遷都督江荆梁益甯交廣七州軍事荊州刺史移鎮上明率前將軍劉波等伐苻堅拔筑陽攻武當走堅兗州刺史張崇又使兄子石虔伐堅襄陽太守閻震擒之以功封其次子謙宜陽侯卒贈太尉諡曰宣穆七子嗣謙修崇宏羨怡嗣字恭祖累官至西陽襄城二郡太守後領江夏相卒贈南中郎將諡曰靖晉書桓彝傳宋趙倫之字幼成下邳僮人宋孝穆皇后之弟也武帝起兵以軍功封閬中縣五等侯累遷雍州刺史武帝北伐倫之遣將出嶢柳大破姚泓於藍田及武帝受命以佐命功封霄城縣侯卒諡曰元子伯符字潤遠嗣少好弓馬為甯遠將軍文帝即位累遷徐兗二州刺史吏人畏之如虎而劫盜無敢入境後為丹陽

尹子倩尚文帝女海鹽公主以事詔離婚伯符慙懼卒諡曰肅

傳國至孫勛

南史本傳

鄭黑壽陽人仕豫州刺史奉朝請殷敬珉叛黑起兵淮上東捍

敬珉西拒常珍奇遷司州刺史

宋書殷敬珉傳
資治通鑑

梁裴邃字淵明本河東聞喜人祖壽孫徙居壽陽為宋前軍長
史父仲穆驍騎將軍邃十歲能屬文善左氏春秋刺史裴叔業
以壽陽降魏隨眾北徙為魏郡太守梁天監初自拔南還求邊
境自效以為廬江太守屢破魏軍以功封夷陵縣子後為竟陵
太守開置屯田公私便之再遷北梁秦二州刺史復開創屯田
數千頃平義州降魏將封壽除豫州刺史加督鎮合肥督征討
諸軍事襲壽陽大敗魏將長孫承業在軍疾篤尋卒贈侍中左
衛將軍進爵為侯諡曰烈子之禮嗣之禮字子義美容儀能言

元理累官都督北徐仁睢三州諸軍事卒於少府卿諡曰壯

本傳南史本傳

隋裴政字德表壽春人邃之孫之禮之子也幼明敏博聞強記
達於時政在梁平侯景之亂以軍功封夷陵侯徵授給事黃門
侍郎復副王琳拒蕭紀加平越中郎將鎮南府長史及周師圍
荊州琳自桂州來赴難政請間道先報元帝為周所獲蕭答鎖
之至城下許以富貴使謂元帝曰王僧辨已自為帝王琳孤弱
不復能來政許之既而告城中曰援兵大至各自勉吾當碎身
報國江陵陷周文帝聞其忠授員外散騎侍郎命與盧辨依周
禮建六卿撰次朝儀車服器用多遵古禮事並施行尋授刑部
下大夫轉少司憲用法寬平無有冤濫宣帝時以忤免隋高祖
輔政召復本官開皇元年轉率更令加位上儀同三司詔與蘇

威等修定律令進位散騎常侍左庶子以數諫為太子所疎出為襄州總管令行禁止小民蘇息稱為神明卒年八十九子南

金仕至膳部郎

隋書本傳

樊叔略陳留人父歡魏南兗州刺史阿陽侯屬高氏專權將謀興復為高氏所害叔略髡髮被腐刑給使殿省及身長九尺志氣不凡高氏忌之遂奔關西周太祖引置左右襲爵為侯以功進封清鄉縣公拜汴州刺史號為明決隋高祖受禪加上大將軍進爵安定郡公遷相州刺史政為當時第一百姓為之語曰智無窮清鄉公上下正樊安定徵為司農卿吏人流涕立碑

頌德卒贈亳州刺史諡曰襄

隋書本傳

唐裴懷古壽州壽春人儀鳳中上書闕下補下邳主簿遷監察御史姚雋道蠻反命馳驛輯之申明誅賞歸者日千計俄縛首

惡遂定南方蠻夏立石著功閣知微之使突厥懷古監其軍默

啜立知微稱可汗欲官懷古不屈囚軍中得亡歸遷祠部員外

郎始安賊歐陽倩眾數萬剽沒州縣以懷古為桂州都督討之

諭以禍福賊迎降輕騎赴之至壁撫諭嶺外悉平徙相州刺史

并州大都督長史所至吏民懷愛俄轉幽州都督卒於官

唐書本傳

劉知謙壽州上蔡人黃巢自嶺表北還湖湘間羣盜蟻結知謙

據封州有詔即授刺史兼賀水鎮使以遇梧桂知謙撫納流亡

愛畜用度養士卒得精兵萬人多具戰艦境內肅然

唐書本傳舊志

知謙卒子隱居喪賀江土民百餘人謀亂隱一夕盡誅之嶺南

節度使劉崇龜召補右都押牙兼賀水鎮使

通鑑廣東新增

龐巖字子肅壽春人第進士舉賢良方正策第一拜拾遺辭章

峭麗為元微之李紳所厚薦為翰林學士李逢吉逐李紳出巖

為信州刺史復入稍遷太常少卿太和五年權京兆尹彊幹不

阿貴勢卒於官

唐書于志甫傳

南唐李元清濠州人官永新制置使治境累年邊障晏如先是

夏賦進貢見縉民以變直折閱為苦元清請納帛一疋折錢一

貫為制民甚便之唐亡入汴義不仕二國因偽稱失明召驗之

十國春秋本傳

揮刃將及頸目不為瞬乃放歸

劉奐壽春人性方言直嚴續薦為監察御史起居舍人時論善

之十國春秋嚴續傳

宋高覲字會之宿州蘄人進士起家嘉興縣主簿累遷尚書屯

田員外郎通判泗州詔定淮南場茶法陳說利害不報召為戶

部判官安撫河北還為京西轉運使徙益州彭州廣積麗水二

峽地出金宦者挾富人請置場募人採之覲曰聚眾山谷間與

夷獠雜處非遠方所宜奏罷之王蒙正恃章獻太后親多占田

嘉州詔勿收賦覲又極言其不可後受累謫通判杭州入為鹽

鐵三司判官歷官給事中知單州卒子秉常為梓州路轉運使

宋史本傳

閻日新宿州臨渙人少為本州牙職補三司使役吏歷遷至慶

州都監景德初命管句邠甯環州駐泊兵馬時部署張凝屢入

邊界焚旗帳日新皆提兵應援移知慶州上言野溪三門恃險

請開古川道東至樂業鎮西出府城從之累官至萬州刺史大

中祥符初改文思使屢請對多所建白且自陳筋力尚壯願正

授刺郡守邊城以効用俄拜坊州刺史將祀汾陰改知同州後

為昭州團練使知單州

宋史本傳

呂夷簡字坦夫先世萊州人祖龜祥知壽州子孫遂為壽州人

夷簡進士及第補絳州軍事推官累遷知濱州代還奏農器有算非所以勸力本也遂詔天下農器皆勿算擢提點兩浙刑獄遷尚書祠部員外郎時京師大建宮觀伐材木於南方工徒以期會急有死者夷簡請緩其役又言盛冬挽運艱苦須河流漸通以卒番送真宗嘉其有爲國愛民之心仁宗卽位以給事中參知政事尋拜同中書門下平章事章懿太后爲順容薨宮中未治喪夷簡朝奏事因曰聞有宮嬪亡者太后遽引帝起有頃獨出曰卿何閒我母子夷簡曰太后他日不欲全劉氏乎遂請發喪成服備儀仗葬之大內火百官晨朝而宮門未開輔臣請對帝御拱辰門百官拜樓下夷簡獨不拜帝使問故曰宮廷有變百官願一望清光帝舉簾見之乃拜太后崩帝始親政事夷簡手疏陳八事封申國公徙許國公感風眩詔拜司空平章軍

國重事詔曰古謂髡可療疾今翦以賜卿授司徒以太尉卒

宋史

呂公綽字仲祐夷簡長子歷知鄭州嘗問民疾苦父老曰官籍民產第賦役重至不敢多蓄牛田疇荒蕪公綽奏之自是牛不入籍遷工部員外郎爲史館修撰同判太常寺兼提舉修祭器公綽請悉更造採月令以薦新諸物配合爲圖考定禘祫時祭之禮爲郊祀總儀上之又言婦人當從夫諡真宗諡章聖而后曰莊非禮宜更多施行之改樞密直學士知泰州古渭川諸羌來獻地卻之召爲龍圖閣學士進翰林侍讀學士卒贈諫議大夫

宋史呂夷簡傳

呂公弼字寶臣夷簡次子賜進士出身積遷直史館河北轉運使自寶元慶歷以來宿師備邊旣西北撤警而將屯如故民疲

餽餉公弼始通御河漕粟實塞下治鐵以助經費除冗賦及民
逋數百萬仁宗材其為擢都轉運使知瀛州權開封府帝謂宰
相曰公弼甚似其父知成都府寬而有威軍府肅然召入代蔡
襄為三司使神宗時王安石知政事嫌其不附己公弼上章避
位不許議衛兵不可減廩徙淮南及肉刑斷不可復帝皆從之
安石立新法將疏論之為安石所知而先奏遂罷觀文殿學士
知太原府以疾請知鄭州判秦州卒諡惠穆宋史呂夷簡傳
呂公孺字稚卿夷簡四子賜進士出身占對詳敏仁宗以為可
用為開封府推官民鬻薪為盜所奪逐之遭傷包拯命答盜公
孺曰盜而傷主罪不止答執不從拯善其守知永興軍徙河陽
洛口兵千人以久役思歸奮斧鋪排關不得入西走河橋諸將
請出兵掩擊公孺不聽遣牙兵數人迎諭之曰太守在此願自

首者止眾皆佇立以俟公孺索倡首者黥一人餘復役所眾皆

帖息擢戶部尚書卒宋史呂夷簡傳

呂希哲字原明公著長子以蔭入官王安石為政以希哲有賢
名欲用為講官辭曰辱公相知萬一從仕將不免異同則疇昔
相與之意盡矣安石乃止范祖禹言於哲宗曰希哲經術操行
宜備勸講其父常稱為不欺暗室詔以為崇政殿說書紹聖黨
論起為劉拯林希所排分司南京居和州靜坐一室恬然自得
靜坐以下舊志和州流寓引伊洛淵源錄文今移并徽宗初以直祕閣知曹州旋遭崇甯
黨禍奪職宋史呂公著傳按舊志太平府名宦傳云紹聖初
平州文附錄以補史闕

呂希純字子進希哲弟也登第為太常博士元祐祀明堂將用
皇祐故事並饗天地百神皆以祖宗配希純言皇祐之禮不見

於經宜從元豐開式以英宗配上帝悉罷從祀羣神得嚴父之義從之又請定納后婚禮拜中書舍人同修國史內侍梁從政劉惟簡除內省押班持不行闔寺側目連為章惇張商英曾布所排後入崇甯黨籍卒

宋史呂公著傳

呂希道字景純壽州人丞相夷簡孫翰林侍讀學士公綽子慶歷六年召賜進士出身歷知解和滁汝澶湖毫七州皆有惠政去而人思之再知澶州發河朔保甲盜賊捕和德下獄窮治取其首領於劫掠處斬之元豐五年夏河東注靈平埽一夕潰岸幾決希道馳至河上督役得無虞張適上河朔鹽利以助邊計詔推行之希道曰祖宗手詔在河朔之人可安不可擾適深恨怒初澶河未徙南北城相望河貫其內故并河為禁地河既徙而北流有盜劫掠他州縣夜道退灘適因奏強賊出城中過法

當按責守臣希道遂罷元祐五年為少府監熙甯元豐閒士急

於進取希道獨雍容安分遇事有不可必力爭及元祐之初吏

治寬平希道雅量自如亦不改其故

施宿蘇詩注李燾續通鑑長編壽州志新増

苗時中字子居其先自壺關徙宿州以蔭主甯陵簿邑有古河

久湮請開導以溉田為利甚溥人謂之苗公河調潞州司法參

軍郡守欲入一囚於死執不可守悟而聽之熙甯中為梓州轉

運副使韓存寶討蠻乞第逗遛不行時中言之存寶不聽卒坐

誅林廣代存寶乞第既降復逸去林廣從時中言整軍以進會

有詔班師軍行時中以糧道遠創為摺運法食以不乏官終戶

部侍郎

宋史本傳

呂開壽州人元豐時為曹州判官轉運副使鮮于侁以免役事付之開躬行一路雖深山窮谷咨謀靡不備至後為利州路判

官山東通志

呂好問字舜徒壽州人希哲子也以蔭補官坐黨人子弟廢蔡
卞得政諷之曰子少親我卽列顯階好問笑而不答靖康元年
以薦擢御史中丞先是徽宗將內禪詔解黨禁除新法而蔡京
黨戚害其事莫肯行好問上疏言利害欽宗嚮納又疏蔡京過
惡乞投海外削王安石王爵褒表江公望等除青苗之令章疏
十上每奏對帝雖當食每使畢其說欽宗再幸金營好問實從
已而金人立張邦昌以好問爲事務官因說邦昌以利害使亟
還政且書白康王宜自立金人既退高宗卽位好問奉太后書
詣行在高宗勞之曰宗廟獲全卿之力也除尙書右丞以恩封
東萊郡侯避地卒於桂州宋史本傳

而治紹興六年召赴行在特賜進士出身擢起居舍人兼權中
書舍人苗互以贓敗有詔從黥本中奏止之又上書言自守之
計必先有不可動之勢伺彼有釁一舉可克歷遷侍講兼權直
學士院初本中與秦檜同爲郎相得甚歡檜既相私有引用本
中封還除目檜勉其書行卒不從又與趙鼎深相知鼎遷僕射
本中草制有曰合晉楚之成不若尊王而賤霸散牛李之黨未
如明是以去非檜大怒風御史劾罷之卒諡文清宋史本傳
魏杞字南夫壽春人紹興壬戌進士知涇縣罷無名科費太平
繁昌二縣獲盜宰尉希公賞日加鍛鍊因誣引涇民五十三家
杞聞馳檄取審悉縱諸被誣者罷無名以下舊志甯國府名宦文今移并累遷宗正
少卿湯思退建和議命杞爲金通問使孝宗面諭一正名二退
師三減歲幣四不發歸附人杞條上十七事擬問對上隨事畫

可行次盱眙金將欲觀國書杞曰御封也見主當廷授至金館
伴張恭愈以國書稱大宋脅去大字杞拒之卒正敵國禮損歲
幣五萬不發歸正人北還上慰藉甚渥以使不辱命一歲至相

位卒贈特進諡文節

宋史本傳

王希呂字仲行宿州人渡江後自北歸南登乾道己丑進士除
右正言時張說以攀援戚屬擢用希呂上章劾之見斥直聲聞
遠邇淮右擇帥命希呂以知廬州兼安撫使修葺城守安集流
散兵民賴之加直寶文閣江西轉運副使召入歷官吏部尚書
出知紹興府百廢具舉尤敬禮文學端方之士天性廉潔遇利
害無回護意惟是之從居官廉潔至無屋可廬自紹興歸猶寓
僧寺上聞之賜錢造第

宋史本紀

董槐字廷植定遠人少喜言兵自方諸葛亮周瑜父承怒其言

乃折節受學於輔廣成嘉定癸酉進士為廣德軍錄事參軍雪
富人李桷之枉脫之於獄通判鎮江府會李全叛涉淮槐即曰
將兵濟江而西全遯去乃還嘉熙時知江州流民渡江來歸者
十餘萬槐發粟賑之至者如歸焉招降劇盜翟全用為裨將由
是諸盜皆自歸累遷江東安撫使知建康府兼行宮留守軍政
弗治為賞三等以教士卒坐作進退擊刺之法歲餘盡為精兵
遷廣運判兼提點刑獄至邕州上守禦七策南方悉定召赴闕
封定遠男上疏請抑損戚里恩澤以謝天下拜端明殿學士簽
書樞密院事進封侯寶祐初參知政事進濠梁郡公每奏帝輒
稱善拜右丞相兼樞密使以極言丁大全邪佞為大全所劾策
免景定初進封吉國又進許國三年五月二十八日既夕天大
雨烈風雷電槐起衣冠而坐麾婦人出為諸生說兌謙二卦遂

卒贈太子少師諡文清宋史本傳

帥寶字仲珍濠州人咸淳中授鹽官丞以清廉著擢昌化令勸

農課士聽訟咸得其情後卒於官畱葬焉浙江通志

王萬字處一家世婺州父遊淮閒萬遂生長濠州少忠伉有大

志究心當世急務尤精於邊防要害登嘉定癸未進士歷通判

鎮江府時金初滅鄭清之謀乘虛取河洛萬謂當急為自治之

規已而元兵壓境三邊震動理宗下罪己詔吳泳起草以咨萬

萬謂兵固失矣言之甚恐亦不可今邊民生意如髮宜以振厲

奮發興感人心為條具沿邊事宜徧告大臣要官又論用兵論

屯田論戍守敷陳數萬言皆切於當世差知台州日坐廳事事

至立斷吏無所售改業散去民亦化之不復訟郡大治擢御史

疏論史嵩之不當相遷大理少卿差知甯國府召赴行在出為

福建提點刑獄四川宣諭使參議力辭乞休致仕卒宋史本傳

金玉庭直壽春人皇統中為夏縣令文學政事蔚有可觀山西通志

元孟祺字德卿宿州符離人幼敏悟善騎射辟掌書記以薦為

國史院編修官一時典冊多出其手巴延伐宋授祺為行省諮

議諸將爭趨臨安巴延問計祺曰若以兵相追宋必走閩一旦

盜起三百年之積焚蕩無遺矣自請為使徵降表至宋取宋國

璽十二枚出巴延奏其功累官浙東按察使元史本傳

張郁靈璧人父禮宋紹熙庚戌進士雖居顯宦讀書不輟郁登

至元丁亥進士歷官三十餘年一毫不敢苟取仕至參知政事

接人以謙私居必冠帶江南通志靈璧縣志

呂師聖安豐人元貞閒為常州路總管時郡學久廢師聖經營

改建規模一新南畿志

令太祖卽帝位帥禮官定郊社宗廟禮奏定六部官制議官民
喪服定嶽瀆神祇封號封建諸王一切禮儀事無巨細皆謀議
行之洪武三年大封功臣授太師中書左丞相封韓國公位第
一制詞比之蕭何四年以疾致仕胡惟庸謀反善長弟存義之
子惟庸從女婿也坐與交通詞連善長會有言星變其占當移

大臣遂坐誅

明史本傳

徐達字天德濠人少有大志太祖爲郭子興部帥達往從之一
覓語合從取和州授鎮撫子興執孫德崖德崖軍亦執太祖達
挺身往請代太祖得歸從渡江破采石取太平下集慶與常遇
春皆爲軍鋒冠及在池州與遇春敗陳友諒軍於九華山下生
擒三千人遇春欲盡殺之達不可而遇春以夜阬其人過半太
祖不憚於是始命達盡護諸將太祖稱吳王以達爲左相國拜

大將軍以遇春爲副將征吳平江將破令將士曰掠民財者死
毀民居者死離營二十里者死旣入吳人安堵如故還封信國
公尋拜征虜大將軍與副帥遇春北取中原洪武元年太祖卽
帝位以達爲右丞相師克通州元主北遯遂入都不戮一人封
府庫籍圖書寶物以兵守宮殿門使宦者護視諸宮人妃主禁
士卒毋得侵暴吏民安居市不易肆遂移兵平山西常遇春卒
復以李文忠爲副將軍從達分道出兵達出西道破庫庫文忠
出東道克應昌獲元嫡孫妃主將相露布聞詔班師大封功臣
授達太傅中書右丞相改封魏國公達每出師還輒上將印賜
休沐宴見歡飲有布衣兄弟稱而達愈恭慎帝嘗從容言徐兄
功大未有安居可賜以舊邸舊邸者太祖爲吳王時所居也達
固辭一日帝與達之邸強飲之醉而蒙之被昇臥正寢達醒驚

趨下階俯伏稱死罪帝覘之大悅乃命有司即舊邸前治甲第表其坊曰大功胡維庸欲結好於達達不答賂聞者使圖達聞發之達亦不問惟時時為帝言胡惟庸不任相後果敗帝益重達十八年卒追封中山王謚武甯配享太廟肖像功臣廟位皆

第一 明史本傳

郭景祥濠人從渡江典文書佐謀議性諒直博涉書史遇事敢言太祖親信之嘗曰景祥文吏而有折衝禦侮才可大任也滁廢命景祥相度即故陟城之九旬而工畢授和州總制益治城隍樓櫓廣屯田練士卒威望肅然和遂為重鎮仕終浙江行省參政 明史本傳

王濂字習古定遠人李善長婦兄也太祖克集慶渡江來歸除

執法官讞獄平允出為浙江按察僉事治行著聞大風晝晦濂應詔言民瘼請緩征太祖納之洪武三年卒上謂善長曰濂有

王佐才今死朕失一臂矣 明史郭景祥傳

毛騏字國祥定遠人太祖自濠趨定遠騏出降太祖喜畱與飲食籌兵事悉當意從渡江擢行省郎中文書機密皆與李善長協贊尋授參議委以心膂俄病卒太祖親為文祭之子驥以功官都督僉事嘗掌錦衣衛事典詔獄 明史郭景祥傳

單安仁字德夫濠人元末授樞密判官從鎮南王博囉布哈守揚州鎮南王為槍軍所逐安仁無所屬率眾來歸太祖悅即命將其軍守鎮江移守常州遷浙江按察副使時悍帥橫斂名曰寨糧安仁置於法洪武元年擢工部尚書仍領將作事諸所營造大小中程甚稱帝意改兵部尚書請老歸家居奏請濬儀南

壩以便輸輓疏轉運河江都深港以防淤淺移瓜州倉廩置揚

子橋西免大江風潮之患帝善其言卒年八十五明史本傳

楊楨字邦祥定遠人以儒士為庫官時天下初定刑獄未平楨

上疏極言眾皆危之翌日上御便殿召授福建都轉鹽運使下

車率令計口食鹽官不勞而民易辦私鬻用稀三年得代入京

民泣送之定遠縣志

張德林濠人以元帥守揚州時兵火之餘城中居民僅十餘家

德林招集流亡戶口日繁威肅惠懷軍民輯睦江南通志

湯友恭懷遠人洪武十七年任都察院右都御史二十一年免

王恭濠人尚太祖女福成公主洪武二年為福建行省參政論

之曰民病未蘇汝往綏之毋恃親故朕不汝縱恭至撫循凋弊

命指揮李惠為福州築城先造一城於城北跨越王山今名樣

樓明史公主傳福建通志

唐元字元亨臨淮人知無為州招徠流散安集有方以課最擢

太僕寺卿無為州志

楊冀安靈璧人洪武初歷官工部侍郎奉使雲南有異績卒官

賜祭葬江南通志

莊敬靈璧人洪武中歷官山西布政司參政轉河南臨事明決

子弟不衣羅綺宅以茅葢升布政司致仕靈璧縣志

尹邈安豐人洪武初任興縣政平訟簡賦役均平升知遼州民

思其惠立善政碑後遷平陽府同知一統志山西名宦

胡維賢定遠人洪武五年以平陽府同知升太原知府清謹端

正剔蠹搜弊解紛決壅談笑處之又創修府治山西通志新増

梁瑀字與玉濠人洪武中知永嘉縣承元弊政民田多匿賦軍需且殷饋餉不給時自浙西海運以足之既而命覈田瑀乃履畝占數編號畫圖以正經界由是歲額有加軍供亦裕而海運

乃罷

浙江通志

耿忠濠人洪武初以羽林衛指揮使奉命往兩浙聽訟訪察官吏問民疾苦時紹興三衢金華秋旱農事不登有司阻民告災忠以疏聞民皆德之

浙江通志

魏必興濠人洪武初知耀州凡州治學舍與里甲徭賦驛傳諸務皆必興所創定

一統志陝西名宦

吳立宿州人洪武初以大都督府斷事招撫遼東遷蓋州衛指揮僉事再破納哈出有軍功守蓋二十餘年治城郭練兵甲課農興學勤勞夙夜兵食饒足政事修舉人多頌之

一統志直隸名宦

劉璧鳳陽人洪武初任曲靖衛指揮築城建署廣開屯田措置皆有條理

雲南通志新增

吳原庸濠人洪武初知壽陽縣招集流散教之耕作設縣署廢淫祠立學宮事多修舉

一統志山西名宦

徐良弼字子中懷遠人洪武初知貴溪縣承平未久百姓離散良弼撫綏休息民漸復業時賦多雜科乃具申民瘼不從輒至府涕泣言之遂得告免民賴以安

江西通志新增

張鵬舉濠人洪武初知浦城縣畱心學校建大成殿立城隍廟及山川社稷壇稱循吏最

福建通志

黃彥正濠人洪武初知醴陵縣時方開創修舉廢墜綜理合宜招撫流移最於列邑

湖南通志

韋衡濠人洪武初知安仁縣建縣治修學校置驛站規模煥然

湖南通志

莫己知鳳陽人洪武初知吉安府時天下甫定郡縣規制率苟簡未備己知加意振刷興仆立踣煥然改觀持己廉重待民慈

惠民甚安之 江西通志 新增

曹鳳臨淮人洪武時為廣甯中屯衛指揮同知築城濬池創造

衛治撫恤士卒官至都指揮同知 一統志直隸名宦

朱璣濠人洪武初知鄆縣設科條謹區畫期年百廢具舉 湖南通志

詹彥忠臨淮人洪武中以參軍鎮守辰州創立衛所增浚城池

軍政嚴肅民賴以安 一統志湖南名宦

朱浚靈璧人洪武中知善化縣勸農修學善治獄訟鄰邑有冤

者咸訴於庭擢工部員外郎出為江西僉事執法不撓為時所

稱 湖南通志 靈璧縣志

狄崇濠人洪武中為濟甯左衛指揮使築城濬池創設公署善

政居多 山東通志

陳德鳳陽人洪武中官沁水丞修治城垣公廨廟學壇壝鋪舍

其功甚多 山西通志

吳建忠定遠人洪武中知望江縣開創之初亭署祠廟多所創

建卒於官畱葬望江子孫家焉 安慶府志

馬世熊臨淮人累官至營田使卒於官太祖親為文祭之 明史后妃

傳 江南通志

郁新字敦本臨淮人洪武中以人才徵授戶部度支主事遷郎

中擢本部右侍郎嘗問天下戶口田賦地理險易應答無遺帝

稱其才進尚書定親王郡王以下歲祿又以邊餉不足定召商

開中法令商輸粟塞下按引支鹽邊儲以充建文時引疾歸成

祖即位召掌戶部事河南蝗有司不以聞新劾治之理邦賦十

三年長於綜理密而不繁卒賜祭葬明史本傳

尹綬字廷章定遠舉人任御史舉刺無所顧忌永樂初使海外

歸歷數萬里山川島嶼悉繪圖以獻江南通志

羅昭字景南壽州人洪武中以舉人官右春坊皇孫出閣簡為

侍讀以賢傳稱壽州志

張貫靈璧人洪武中歷官至北平參議永樂改北平為順天府

貫首為府尹為政嚴明不阿權勢卒於官江南通志

徐士誠定遠人洪武元年知江南興化縣集流亡闢田畝建官

署創始之功規制畢善興化縣志揚州府志

賈彥良定遠人洪武二年知揚州儀徵縣招撫流民復業建學

校創署廡庶務修舉廉明有聲儀徵縣志揚州府志

楊吉字天祐先世宏農元末徙壽春縣明初為壽州人登洪武

乙丑進士任大理寺評事不陵不詭歷山東左右布政使效忠盡

職沒祀鄉賢壽州志

蔣忠懷遠人父原永平衛百戶忠襲職升永清千戶以從靖難

功升江西都司都指揮同知先是守將多貪墨縱士卒為盜民

久苦之忠至申明軍律取其無賴者繩之以法由是民賴以安

永樂十一年卒於官江西通志

趙畿字邦翰宿州人官金華推官發奸如神江南通志

陳璇字在璣定遠人永樂辛丑進士授御史巡按浙江廣西所

至肅然歷浙江按察使寬不縱猛不殘浙人懷德或謂少擊搏

風璇曰法貴禁人不犯至不從禁而犯法余亦何嘗少貸耶後

赴闕軍民數千人挽留馬不能前璇為駐一宿取閒道去浙江通志

李默字思道定遠人永樂中以貢上書言事朝廷奇其才擢漢王府長史王有異志默苦諫王怒禁錮之事敗默尙繫獄特釋還鄉里

明史高煦傳 江西通志

李達定遠人永樂初以都指揮僉事鎮洮州歷四十年爲番漢所畏進都督僉事正統中致仕

一統志甘肅名宦

陳原定遠人永樂中爲都勻衛指揮有材略善謀能斷正統時苗寇圍城原罄產給軍城賴以全

一統志貴州名宦

許亨字士通定遠人以父蔭爲指揮使僉事進都指揮鎮浙江海寇竊發守屯堡時訓練寇遂屏跡歲調兵運漕給京師分番更代勞逸均而餽餉及期拜左軍都督僉事卒於官

浙江通志

胡敏字銳之定遠人宣德六年知鄞縣操守端方臨事剛果升監察御史

浙江通志

徐源字士淵定遠人官吏部司務著能聲擢知嵯縣歲饑且屬役築錢塘隄源以民不能自存之狀力爭得免發廩以賑又勸貸富人以助之躬巡實給以勞成疾卒官

定遠縣志

年富字大有懷遠人本姓嚴訛爲年以會試副榜授德平訓導擢吏科給事中糾正違失務持大體兼掌刑科都御史顧佐等失入死罪十七人富劾之又奏遣僧道未度者復業遷陝西左

參政疏罷歲織綾絹耗駝駝九百五十餘匹又會計歲用以籌軍餉請減冗卒汰駑馬三邊士馬供億浩繁豪猾因緣爲奸

富量遠近定徵科出入慎鉤考病弊以革民困大蘇遷河南布政使歲饑流民二十餘萬剽掠富輯之皆定土木敗後邊境道阻部檄富轉餉無後期者景泰二年以右副都御史巡撫大同提督軍務以奏石亨等侵餉劾張懋鄭宏等役軍耕田爲宵小

所憾天順元年革巡撫官富遂罷為石彪所誣逮下詔獄賴李賢言之而免復為兵部右侍郎改戶部巡撫山東召為戶部尚書部事大理病疽卒諡恭定

明史本傳

楊慶長壽州人正統閒知通城縣九載奏績民德而留之請於朝復任九年秩滿又請凡二十三年

湖北通志新增

王智字景明壽州人正統中以舉人知靈邱縣均賦平政教化大行及去父老遮道請留後任平涼通判乞休歸

壽州志

戴昂字時舉宿州人正統戊辰進士授御史以言事謫相口驛丞遷知濰縣在任九載守法奉公民不忍欺

江南通志

徐士遠定遠人正統中以舉人知岷縣時值旱蝗請得米八百石以賑已而洊饑憂惶成疾卒

浙江通志

樂濬定遠人正統中官九谿衛指揮使威惠兼至修城創署整

飭關梁令行邊徼

湖南通志

黃璲字仲玉定遠人性孝友母疾嘗糞得遺金市米中還之景泰中以舉人官昌邑訓導分科設教先行後文士風丕變遷上猶教諭嶺海間士習尤陋璲親訓之人才勃然

定遠縣志

張僖字公錫靈璧人景泰甲戌進士授御史以事謫知永甯縣有惠政以艱歸起補餘姚邑有水怪虎患僖為文祭之遂息升

杭州知府歲饑設法賑濟全活六萬戶晉湖廣參政未行卒杭人祠祀之

浙江通志 江南舊通志

宋誠定遠人晟曾孫天順中佩征西將軍印鎮甘肅邊備修飭西陲晏然

一統志 甘肅名宦

楊完字德全定遠人天順丁丑進士官翰林檢討以德性醇粹文章典雅選侍德王講讀誠心輔導時論賢之

定遠縣志

湯鼐字用之壽州人成化乙未進士授行人擢御史孝宗即位
鼐首劾萬安罔上誤國又言少傅劉吉奸貪尙書王恕以盛暑
請輟講筵極言不可語侵恕時言路大開士欲以功名見頗傷
激許而鼐意氣尤銳吉不能堪喉御史劾之欲置之死賴何喬
新王恕彭韶持之得謫肅州謝遷柄政始釋歸明史本傳

蔡震字孟陽定遠人尙英宗女滄安長公主授駙馬都尉嗜學
博文敬賢禮士奉使外藩及居官尤以廉介稱於時卒贈太保
謚康僖定遠縣志

王昶靈璧人成化丙戌進士知樂安縣令燬淫祠適有火災民
不敢毀昶自碎其妖像火患亦息歲凶以便宜發粟賑濟全活
甚多擢御史疏劾李孜省改太僕寺少卿江南通志

劉福字宗慶臨淮舉人任兗州府管泉同知河決張秋奉檄築

河口石隄卒於官祠祀安平鎮江南通志

朱詮鳳陽人成化中知渠縣廉能公恕賦稅訟獄允服民心後
有除寇功詔賜旌異四川通志新増

顧佐字良弼臨淮人成化己丑進士授刑部主事歷郎中按錦
衣指揮牛循中官顧熊牛欽罪無所撓出爲河間知府宏治中
擢右僉都御史巡撫山西入爲左副都御史勘罷總兵李杲太
監任良巡撫張玉歷戶部侍郎出理陝西軍食善區畫儲蓄餘
三年正德改元代韓文爲尙書部有逸冊劉瑾欲以爲文罪偏
佐上其事不可坐事奪俸乃乞歸瑾憾不置罰米千餘石輸海
上卒贈太子太保明史韓文傳

王嶽字希甫靈璧人成化辛丑進士知平陽縣以明人倫正風
俗爲首務建義倉廣儲蓄六年之間奸豪屏息以治行徵浙江通志

莊俊鳳陽人以貢授南陽推官躬校簿書手書理刑箴於座右
以自警凡所推鞠號無冤民以疾歸足跡不入公府鳳陽縣志

張袞鳳陽人成化丁未進士知蒲江縣政績藉甚時劉賊猖獗
以才望調固安守禦備至孤城得全俗以婚嫁論財多失時不

能成禮袞權豐約著為令會入覲劉瑾陰令賄二千金可得科
道袞不從還瑾怒矯旨逮捕士民欲斂金求免袞恥用賄且不

欲擾民遂飲藥死民為立祠鳳陽縣志
周鉞字仲威宿州人宏治己未進士知永興縣報最劉瑾招之

見曰吾力能授爾御史鉞不往遂改進賢教諭尋授公安知縣
稱疾不起江南通志

余翱字大振定遠人正德辛未進士知歷城縣嘉靖初為御史
劾司禮太監張佐蒙蔽罪尋以議大禮繫詔獄廷杖戍邊隆慶

初贈光祿寺少卿一統志

姚鳳懷遠人正德甲戌進士歷戶部郎中奉差督甘肅永平山
海薊州等處糧餉建議請發豹房餘銀助邊抽分九江祛弊防

奸至招買通州濟邊草束催太倉江西糧運歷有勞績以疾歸
懷遠縣志

劉信鳳陽人成化中知乳源政簡刑清性最孝母卒一慟而絕
無子士民葬之城東一統志廣東名宦

高越鳳陽舉人署福山教諭值劉賊猖獗知縣棄城走越首倡
忠義嬰城死守賊遁去超拜監察御史清軍湖廣革親藩之僭

巡按遼左明功罪嚴賞罰積弛一振出知泉州府致仕歸一統志
劉曷字晉初鳳陽人嘉靖己丑進士知山陰縣案無畱牘瀕海

漲沙千頃民因為田歲有獲而無徵曷履畝而以無抵糧稅量

均於內民甚便之遷刑部主事歷知山東分巡濟甯道泰安州
牧賦爲民所發或欲爲之地曷不可竟落職以疾卒官

鳳陽縣志

浙江通志

宋治字時雍臨淮人嘉靖辛丑進士授開封推官擢御史出爲

台州知府平倭有功調嘉興復有功升貴州副史歷南太僕寺

丞山東僉事貴州參議清操勁節所至有聲

鳳陽縣志

李心學字師顏臨淮人嘉靖丁未進士授戶部主事歷員外郎

出知衛輝府擢湖廣兵備副使剿平潯浦龍潭洞猺賊沈亞當

等並撫順糯塘二十八寨惡苗龍老糯等及蕩平容山景峒又

叛寇韓甸等轉雲南參政歷升湖廣右布政調貴州左布政復

剿平新添衛小平代長官司瓮蓬寨叛蠻莫繼恩等璽書褒美

弟志學以舉人任直隸新安知縣調新城銳意興革力抗中貴

民保久任加祁州知州

江南通志
鳳陽縣志

張育才壽州衛人嘉靖二十年以選貢爲黃巖丞廉介自持公

餘卽荷鋤藝蔬以自給升句容令

浙江通志
新增

李純樸定遠人嘉靖間以御史謫知監利縣贊輒城建大觀書

院

一統志湖
北名宦

梁子琦字汝珍壽州人嘉靖乙丑進士知諸暨縣愛士恤民興

廢舉墜終通政司參議

江南通志

陳世輔字汝鄰定遠人嘉靖進士除南昌知縣溫厚慈祥視民

如子嘗有兄弟爭財者世輔且諭且泣兄弟二人竟以田相讓

庭無滯案治爲先後南昌之最

江西通志
新增

劉繼文靈璧人嘉靖壬戌進士知萬安縣以廉惠著擢禮部主

事遷工科給事出爲浙江參政有妖僧惑眾立除其奸考滿與

海瑞並稱書天下清官第二歷任福建江西四川布政巡撫廣西總制兩廣晉戶部侍郎卒於家一統志

楊時秀字叔茂懷遠人嘉靖乙未進士知海甯縣調歸安杜詭寄以均賦興學校以育才擢戶部主事權稅淮安禁別宿弊歷郎中升山東僉事分巡東充平女妖紅羅之亂以艱歸遂不起

懷遠縣志 秉陽所作墓表 孫

沈舉字用之定遠人為莆田丞仁廉剛正以禦漳寇盡瘁殉國卒於砦貧不能斂當道賻以歸殯莆人為請祀名宦定遠縣志

楊嘉猷字原中懷遠舉人官冀州守剔奸宄肅馬政稅璫橫甚廉得其黨之最黠者笞逐之捐公費羨帑以抵稅杖殺盜魁萬某餘黨遊散旱蝗害歲首請蠲賑全活無算遷延安清軍同知署定邊篆築長堰禦水患復攝靖邊篆條上邊事六創建龍州

城升長蘆鹽運副使遷鎮遠府致仕何如寵所作墓志 馮從吾少墟集 懷遠縣志

葉欽字用明定遠人通判處州諭散礦徒永絕處患調鄖陽白平民江潯等冤屬邑多寇捕逮五百餘人鞫可原者全活大半升鄭府審理以老歸定遠縣志

楊應聘字行可時秀孫也萬曆癸未進士知烏程縣緩催征平冤滯興隄防清浮田勤荒政倡教化不阿上官不假貴要治稱最擢兵部主事歷郎中升光祿少卿巡撫甯夏總制三邊歷至兵部左侍郎卒於官贈兵部尚書賜祭葬浙江通志 江南通志

張宏代靈璧選貢知天台縣識度凝重操守清廉興利革弊嘗修邑志以循良擢戶部主事同邑李邑亦以選貢知天台歲饑多方賑濟以亢直改教職歸浙江通志 靈璧縣志

賴霖定遠人萬曆中知安仁縣銳意興革清丈田畝去浮糧八

百石

湖南通志

李繼東定遠人萬厯中為武岡學正時進諸生講明正心誠意之學著學一圖說鐫石明倫堂

湖南通志

田大年定遠人萬厯中知華容縣修學校浚城隍舉行義倉社倉法遇水旱力請蠲賑

湖南通志

夏之鳳字子鳴壽州人萬厯中以舉人知大庾縣改羅江泣民廉慎士庶懷之擢戶部郎有內豎白玉犯法潛避深宮鳳入奏

江南通志

敕王出聽審上嘉其正直書名於屏
江旰字天奇懷遠歲貢任延津訓導升高密教諭賑貧卻贊出於至誠兩學皆祠祀之後為廣信教授因事關學校據理力爭之為權貴所忌歸

懷遠縣志

吳諡字樂真定遠人知通城政尚慈厚時聞寺借采礦名毀廬

墓以詐巨家諡輒治之以法坐是奪官

定遠縣志

周汝昌字文明懷遠舉人任台朔懷慶歸德三府推官擢戶部主事黜羣邪豁通賦均水利以不肯建生祠忤魏璫戍肅州卒

江南通志

劉繼吳字徵夢壽州人萬厯己未進士歷禮部郎中考滿為天下清廉第一歸里日惟圖書數卷

壽州志

劉繼魯字啟東壽州人以貢為潛山教諭胸懷高寄翛然塵表俸錢自杯酒論文外惟以給士之貧者大有古人風

安慶府志

盛民直字澹惺定遠歲貢知藍山縣斥冗蠹平市價通商賈明季苦重斂躬詣勸徵吏不擾而民力紓訟獄衰息遇早步禱得霖三日不少越藍山界邑人立碑記異

定遠縣志

戈尙友字善卿臨淮舉人知饒平縣地產斷腸草訟者藉以作

姦尙友嚴禁之有犯科者令拔此草投沿海井中以贖罪後海寇至取水飲多死遂遞去擢刑部主事持法平允歷官昌平兵

備副使

江南通志

袁穡字大賓懷遠人以貢倅東昌治河有功遷泰安知州誅鋤強暴胥吏畏服有以黃金進者峻卻之修岱嶽十八盤至今便

焉

懷遠縣志

周希賜字一勿懷遠舉人知甯昌縣催科不及格調福建布政司理問後補甯洋知縣涖任三月頌聲大作卒於官祀名宦

懷遠縣志

孫元謨懷遠人以參將從貴州巡撫王三善救貴陽分兵三路元謨從三善由中路當賊鋒遂奪龍里又奪七里冲進兵畢節鋪連戰皆捷其渠安邦俊中礮死獲安邦彥弟阿倫遂抵貴陽

城賊解圍去

明史王三善傳

何陞字望宸定遠人崇禎間選貢授江西南安府通判洊擢贛州知府擊猾吏清帑金理冤獄尋署南昌道歷有賢聲以權貴忌左遷藩府長史乞養歸

鳳陽府志

宏光時授南昌道監左軍

新

不就著有庭訓十義史辨濠上吟志草祀名宦鄉賢

何國祥家世敘略

壽州志

朱銘字自新壽州恩貢知南漳縣廉明多惠政士民肖像以祀

國朝劉允謙字六吉壽州人順治丁亥進士知沈邱縣英敏廉介以教養士民為務縣河底有石壞舟募民鑿去商民立祠河畔

一統志河

擢山東巡按

鄧旭字元昭壽州人順治丁亥進士授翰林檢討辛卯典試江

西得人稱盛會

詔舉品行清端才猷贍裕可任外吏者大臣以旭薦遂擢陝西洮岷兵備道按察司副使未幾引疾乞歸卜築清溪性至孝以父汝謙早歿痛祿不及養言及輒流涕又孜孜為善凡賑荒修學贖難婦育棄嬰諸有益於地方者不惜變產為之生平持正侃侃詆斥異端人見其和光同塵而實有壁立千仞之槩所著有林屋詩集九卷

江南舊志通志

歐陽明憲字章卿宿州拔貢順治中知詔安縣平環沙寇蔡四踞烏山流劫遠近明憲定計搜捕脫囚繫男婦百餘人搗其穴葺學宮課諸生邑人銘德至今稱賢令者曰猶得見歐陽也

志福建名宦

一統

丁珩字朗山宿州人歷官戶部郎中遷漢興道正己率屬一郡肅然歲饑借倉穀數千石賑之全活甚多及卒士民號泣如喪

所親

江南通志

丁啟明字東有宿州歲貢知定興縣清民田興學校革雜派招流亡在任六年善政不可悉紀

宿州志

田家修字獻之鳳陽人順治中知從化縣時兵燹之後力為撫綏安集流亡諭降盜賊十餘寨勸令開墾復為良民清刑簡訟殘黎以安

一統志廣東名宦

沈時鳳陽人隨征入粵授永安知縣順治四年流賊攻城親冒矢石築子城造雲車以禦衝突閱三月援兵至圍解擢知潮州府歷糧儲驛傳道所至民懷其德

一統志江南通志

楊模聖字揆一懷遠人順治己丑進士歷官濂州知府時土弁縱橫模聖單騎招降劇寇安輯遺民去任士民泣送

江南通志

鳳陽府

夏人佺字敬孚壽州人順治己丑進士知夏津縣擢御史有直聲歲饑請蠲賑疏積逋任鹽院清潔自矢乞休歸

壽州志

何國祥字紫雲定遠人陞之子以選貢官雲南易門知縣新罹兵火巷無居人國祥招集流亡漸復其舊時推官奉裁滇多疑獄悉委國祥多所平反以艱歸起補浙江歸安縣蠲除苛政與民休息廉獲賊首李成龍一方晏然入為兵馬司正指揮致仕

鳳陽府志

舊志

名宦鄉賢祠

蘇州輿頌 新增

吳懷忠鳳陽歲貢由青縣教諭擢知任縣任有禮蔡諸河古大陸澤也自元郭守敬濬後寢失故道親履相度得其原委疏濬復舊民利賴之升連平知州以老乞休

鳳陽縣志

劉嶺字紫脫鳳陽人順治辛丑進士知定襄縣治獄明決訟者

衰息南中用兵供億紛沓隨方處置動合機宜擢知隴州隴經殘破居民鮮少招集流亡漸復舊業又請履畝定稅隴賦得減

凡可除民害者必力爭之艱歸遂不起

鳳陽縣志

孟凌雲字連青鳳陽選貢為廬江教諭釐正文體課士有方勸

修學宮捕蝗救荒佐縣行之皆以實心行實政卒於官

鳳陽縣志

謝開寵字晉侯壽州人順治己亥進士知宜賓縣潔己愛民案

無畱牘以艱歸

壽州志

范明德壽州人康熙六年為大名府通判制府幕士犯罪明德按治之其人走愬制府明德曰某守法吏敢以上官撓法耶卒

於官貧不能斂士民傷之

一統志直隸名宦

方遂字綸賁壽州舉人知岳陽縣廉以律己慈以惠民建學修城威饑請賑訪獲積盜捕虎息患邑民作歌頌之

壽州志

丁育果字去暗宿州人以貢生知麻陽縣山寇盤踞聯保甲嚴
斥埃殲其魁羣盜斂跡委署鎮守通判生苗出入為民害單騎
入其境詰責之皆畏服奉約束復本任麻有鬼大王祠男女信
奉奸宄伏匿命毀其像投之河民大駭育果曰吾自當之不汝
殃也又資修黌宮立義學請廣學額四名士風丕振麻有船五
千艘歲納銀五錢悉革去以勤勞卒於官宿州志
俞化鵬字扶九壽州人康熙辛未進士知甯海縣有惠政擢御
史歷至順天府府尹鐵面冰心不避權貴坐是致仕歸壽州志
方一韓字殿西壽州人康熙乙丑進士知峽江縣地多盜賊設
法捕緝夜不閉戶在邑三年政簡刑清囹圄一空以病乞休士
民號泣攀留壽州志
凌森美字聖西定遠人康熙時以拔貢教習知廣西貴縣猺獞

雜處素好剽竊為創築土城小江口而環溝之民得無患調永
清興學校鋤奸暴夷戢民安升雲南霑益州知州卒貴永皆祀
之名宦定遠縣志

苗潔字景雪定遠人以貢授太平訓導自出資修學邑眾踴躍
得復舊制工竣眾欲以餘資葺其宅潔笑曰是吾以數百金市
諸君為美宅也猶有先人之敝廬在遂告歸定遠縣志
凌熹字約銘定遠人康熙癸巳舉人雍正間考授內閣中書累
升至監察御史巡察直隸等處平反冤獄天津漏報水災親勘
得賑擢江西按察使

恩賜御製詩章

御銘石硯貂皮等件有魍魎仙邪術惑眾案誅首惡免株連又有以報
母齋私刻印信愚惑鄉村捕罪其魁而諭散之以請養歸沿途

感送者不絕

定遠縣志

王遂字士瞿定遠人幼孤以孝母聞雍正初舉孝廉方正以知縣分發貴州題補貴筑適有苗變羽書旁午躬勞勩裁陋規民不知擾會母卒上憲以軍興不聽去援例奏請在任守制升永甯州乃抱疚奔馳煙瘴中會剿黃平餘慶等處賊巢安撫降脇流民以勞致疾升南籠知府軍事既竣請假歸葬數月而卒

定遠縣志

王業字稼田定遠人雍正初舉孝廉方正薦知淮南縣調中部多善政培植學校敦勸農桑中部乏水為創渠堰資灌溉以勞致疾告歸

定遠縣志

鮑成龍字鱗長臨淮選貢分發四川署漢州知州革陋規五六千金首捐資修金雁橋邑人立石頌德題補絲竹創建書院調

成都升緜州知州遷打箭爐同知值剿瞻對委署雅州知府督糧餉金川亂賊去爐僅十五里城中惟土兵六十人出庫貯旗幟布列城堞賊疑而引退以論軍務忤總督意籍產經略大學士傅恆廉得實獲昭雪補瀘甯同知調松江獲海盜五十餘人卒於官

鳳陽縣志

方時寶壽州監生考授州佐揀發黔省苗民不靖上書於經略張廣泗陳十策多見施行奉委監運糧儲獲叛犯設屯堡強幹有為授開泰知縣卒年八十一

壽州志

凌奎發字蘊華定遠廩貢任真定府經歷委查灤河源流持檄出塞悉圖其經流及所受大小水曲折參之經傳各水利書辨正水經得失而為之說還報僅七月其任成安時以水請賑不許固爭大吏知其誠許之既卸篆仍委之賑活人無算委署靈

壽縣喜曰此陸稼書甘棠之舊也至則詢所廢墜者盡復之尋以疾卒

定遠縣志

方焯字映南定遠歲貢授通判分發湖北歷署黃州鄖陽補襄陽皆以廉幹稱委署通城邑號難治推誠導諭數月而訟稀笑曰誰謂俗悍頑者縣距省五百里多山險糧運為艱詳請納折民困得蘇以艱歸起補順慶通判攝理番府事時討西藏土番焯司站運公相福康安嘉其能使攝峨眉令事縣多鄉番常構衅焯寬猛互濟夷輯民安又歷署油江合江等處恆派督餉時教匪滋蔓勸鄉勇拒守有備無患福將保奏以老疾辭歸卒年八十二

定遠縣志

徐瑄靈璧拔貢乾隆二十一年任福建龍溪縣丞分駐華封有意興文教方授簡延紳士議立義學值亢旱隨居民徒步禱雨

福建通志 新增

福里潭往返烈日中竟以是得疾卒

方煒字燮和定遠人乾隆壬辰進士改庶常授編修嘗充四庫全書分校官書成

賜如意雜箋紙等件授左春坊左贊善轉中允歷司經局洗馬兼翰林院修撰戊申典試山西稱得士出為浙江督糧道改江西調劑糧務五事呈請

詔可又署江南鹽巡道補河庫道睢工漫口奉委專辦收放事時稱北門管鑰辛亥春督放徐州賑恤徐民愛戴至今頌聲不衰

定遠縣志

宮兆麟字伯厚懷遠人由貢生授安陸府通判築沔陽州隄水患以息歷升興化知府署興泉道興水利立學校建育嬰堂養濟院凡利民之事知無不為升山東濟東道歷雲南布政使緬匪跳梁籌運糧餉往來接濟晉廣西巡撫調湖南又調貴州桐

梓刁民聚眾滋事借湖廣總督吳達善緝捕正法古州苗民香
要不法復借吳達善捕誅之條上善後五事皆如所請尋以事
降甘肅按察使復以貴州任內事革職乾隆四十一年

上東巡兆麟迎

鑾賞給三品銜四十六年卒

懷遠縣志

方典字漢桓懷遠選貢授東安縣丞升霸州判廉幹勤慎見稱
於時承辦永定河務潔己奉公有能名河工之暇親督河夫耕
種河邊隙地以屯田法教之遂多收穫以艱歸卒典性至孝先
是母卒哀毀幾至滅性方苞嘗稱之為宇內完人

懷遠縣志

拱立生祠祀之

懷遠縣志

李彩字雲章壽州人官化州知州粵俗句婦每數十百人成羣
填塞街市甚苦之彩以理曉諭俗為之變歲荒悉心賑救遷
廉州府同知卒於官百姓巷哭次子程蓮在籍聞訃繭足走五
千里踰險冒瘴扶櫬南歸後以援例授縣丞歷官至海門同知
鋤強暴理斥鹵雪冤沈計擒洋盜數十人擢天津知府署天津
兵備道致仕歸

壽州志

劉崧秀字鳳綸定遠人乾隆癸卯舉人初以選貢官石埭訓導
後為江蘇嘉定教諭捐俸葺書院增膏火縣有新涇河歲發帑
以濬承委者每增派民錢數千緡以為常制府汪志伊專以委
崧秀乃以市價傭計畚鍤盡徙其淤岸外數里五閱月而工竣
並歸其羨自云可十年無患免歲濬之費以疾歸卒嘉定來會
葬者曰至今未嘗議濬蓋閱三十餘年矣

定遠縣志

方積字慶餘定遠選貢授州判署梁山令時教匪蹂躪梁萬閒積能以少擊眾先剿妖賊王正文於萬縣寶蓮寺又屢敗賊於狐狸薺荆竹園等處建堅壁清野之議賊無所掠多自解散累升至四川按察使偕豐提督紳往征馬邊峨邊諸叛夷鑿道度師深入險阻諸夷懾服晉布政使以疾卒官成都紳士立祠祀之又祀鄉賢定遠縣志

李東眼靈璧人乾隆乙卯舉人由贈錄議敘選授伊陽知縣嘉慶閒歲饑捐賑為糜以食餓者全活無算委署汝州調知河內縣地當丹沁二水入黃詳明築隄四十餘里境及四鄰得免水害者八縣居家倡建文昌宮又修靈壁學皆不惜重資士林稱之靈壁縣志

薛傳仁字統四壽州人乾隆丁卯武舉官奇兵營千總所轄濱

大江風濤溺人傳仁捐俸設救生船自是無覆舟致死者累擢漕標左營都司悉漕利弊嚴寒盛暑馳逐河干升右營遊擊歷署中營副將卒於官壽州志

桓楷字範亭懷遠舉人歷署羅山臨潁偃師溫縣皆有善政嘉慶十八年滑匪跳梁官兵雲集派運糧餉供給罔缺積勞成疾卒從兄樅以軍功議敘官獨山州同虛衷聽斷卒之日苗民無不流涕懷遠縣志

楊如蘭懷遠舉人分發山東堂邑淫雨市月居民漂沒奉檄勘查即日具乾餼乘馬日行泥淖中水沒馬腹兩足皆腫扶病按大小口給糧曰此以救旦夕水定再議賑卹也百姓扶老攜幼皆牽衣泣下壽張饑大吏謂如蘭曰非君行不可顧何以善其事對曰但無私耳旬月奏効補知臨邑以計盡擒諸盜鄰邑皆

安卒於官

懷遠縣志

楊新蘭字馥亭懷遠舉人知長山縣辦理周村私銷案以賢能稱調清澤擒鹽梟升東平知州挑小清河水患以息署水利總捕同知值教匪滋事採辦軍需不辭勞瘁調濮州兵燹之後招撫流離設場施粥以勞卒官

懷遠縣志

郭世安字汝磐鳳臺舉人知靈邱縣年已七十矣所用胥役皆擇椎魯人每謂事權當操之己役供使令而已何用智巧叢蠹為涖官十年政靜以和民咸愛戴建太白書院以古法教學者士蔚然興罷官卒於寓舍士民為之立祠

鳳臺縣志

孫克俊字繼三壽州廩生嘉慶戊午川楚軍興以助餉議敘授刑部郎中旬檢庶獄同官倚重奉

旨以知府用請假回藉值蒙宿教匪滋事馳赴軍前協力剿捕事平議

敘加級又遵例加捐道員未選以事牽呈請軍台効力卒於戍

壽州志

王蘊葵字勁堂靈璧人嘉慶中歷官貴州石阡府知府有治績

靈璧縣志

以憂去士民立生祠祀之

以下新修

恩以五品京堂候補差旋道卒

定遠縣志

余鴻祖字秋湄壽州舉人官雲南浪穹知縣臨安高匪之案鞫俘囚無所枉縱升署元江知州決諸苗雙殺積案威信甚著道光中署趙州知州修隄濬渠水利甚溥卒官子士堧字菊農由進士官浙江西安知縣勸民務農刊教稼書備載糞田灌溉之法洵擢嘉興府知府籌賑水災倡辦米捐終江蘇常鎮道卒於

軍營咸豐間

贈太僕寺卿廕如例壽州志

何錫九字敘疇一字訪亭定遠舉人由大挑知縣改選江蘇崑山教諭修學宮立灑掃會倡捐田二十頃為書院經費於課士搜訪孝義節烈彙請

旌表建文星閣濬文曲河道光壬寅佐知縣練勇捍禦海氛疊遇水災分俸助賑邑人感之在任七年卒官合祀於前明教官堵應之祠道光三十年奉

旨入祀名宦定遠縣志以子廷謙官

贈儒林郎翰林院編修晉光祿大夫工部左侍郎加三級行狀

林鼎奎字默菴懷遠舉人官貴池訓導修學宮立義學道光甲午捐俸煮粥救饑民著有聽雨軒詩集懷遠縣志

浚樹荃字湘圃定遠舉人官福建鳳山知縣剿擒盜黨數十人

又擒逆黨呂青蓮升同知署彰化力疾任事卒於官定遠縣志

孫家醜字鴻卿壽州進士由內閣中書選四川石砭廳同知咸

豐七年擊退石涪教匪擒范德信等七十餘人匪首馬錦明竄

涪州追擒之以功擢知府守綏定解達縣民變攻滇匪於新甯

復其城積勞卒官在石砭惠政尤多廳人請祀名宦壽州志

張景賢字牧南宿州人軍功江蘇知縣以直隸州知州用加知

府銜署桃源縣創築土城修學宮置祭器增書院膏火署邳州

募勇緝捕姦宄遠迹重整書院如桃源時後卒於軍營奉

旨加太僕寺卿銜廕子入監同治八年祀桃源名宦宿州志

韓承宣字啟字懷遠舉人官河南新蔡知縣咸豐十一年土匪

陳大喜時瀧書先後圍犯縣城俱擊走之同治元年逆黨僧諦

宣揚方衡鉤結髮賊偏城而壘為地道百計環攻城垂陷承宣
隨方堵禦凡四十餘日力保危城以積勞歐血卒初承宣在皖
營以軍功

賞加同知銜侃勇巴圖魯及是照知府軍營立功例

贈太僕寺卿銜廕子知縣四年奏准在新蔡建立專祠懷遠縣志

重修安徽通志卷一百九十八

人物志

宦績二十一

潁州府

漢何比干字少卿汝陰人學尚書於晁錯經明行修兼通法律
為縣獄吏決曹掾平活數千人武帝時為廷尉正與張湯同時
湯持法深而比干務仁恕數與湯爭雖不能盡得然所濟活者
以千數後遷丹陽都尉獄無冤囚淮汝號曰何公後漢書何敞傳何氏家

郭憲字子橫汝南宋人王莽篡位拜憲郎中賜以衣服憲焚之
而逃於東海之濱光武即位徵為博士再遷至光祿勳車駕西
征隗囂憲當車以刀斷韉帝不從後潁川兵起乃還歎曰恨不

用郭子橫之言匈奴犯塞諫爭不合帝命兩郎扶下殿憲亦不拜帝曰常聞關東觥觥郭子橫竟不虛也

後漢書本傳

許楊字偉君汝南平輿人王莽篡位變姓名匿它界莽敗還鄉里舊有鴻卻陂成帝時翟方進奏毀之建武中太守鄧晨欲修復其功聞楊曉水脈召與議之署爲都水掾使典其事因高下形勢起塘四百餘里數年乃立百姓得其便累歲大稔後病卒晨爲起廟百姓皆祭之

後漢書本傳

許敬字鴻卿平輿人順帝時官光祿勳永建二年七月司徒朱伥罷以敬代之四年十一月免以千石祿終身

後漢書順帝紀及章懷太子注

虞詡字升卿陳國武平人爲朝歌長賊甯季等數千人攻殺長吏州郡不能禁詡到官募士得百餘人設伏以待遂殺賊數百又潛遣能縫者傭作賊衣以采緹縫其裾爲識有出市里者吏輒禽之由是駭散咸稱神明歷遷武都太守羌率眾數千遮詡於陳倉詡卽不進宣言請兵始發羌遂分鈔傍縣詡因其兵散日夜兼行令日增兩甯羌不敢逼到郡以計大破羌通運道招流亡後遷尙書令以公事去官子恭有俊才官至上黨太守

後漢書本傳

陳蕃字仲舉平輿人徵拜議郎遷樂安太守梁冀遣書詣蕃有所請託不得通使者詐求謁蕃怒笞殺之後爲大鴻臚以疏救白馬令李雲免官復徵拜議郎遷光祿勳至太尉上疏救劉瓚成瑨等帝怒不納宦官由此疾蕃彌甚竇武謀誅宦豎事泄曹節等矯詔誅武遂并執蕃卽日害之

後漢書本傳

許劭字子將平輿人初爲郡功曹太守徐璆甚敬之與從兄靖俱有高名好共覈論鄉黨人物每月輒更故汝南有月旦評焉

卒於豫章兄虔亦知名汝南人稱平輿淵有二龍焉後漢書本傳

許靖字文休平輿人舉孝廉除尚書郎典選舉董卓秉政奔揚

州孫策渡江又走交州劉璋招之靖遂入蜀先主克蜀以靖為

長史及為漢中王拜太傅即尊號策為司徒年踰七十愛樂人

物誘納後進丞相諸葛亮為之拜章武二年卒三國志本傳

按平輿非今潁州地詳古蹟平輿故城條下

魏夏侯惇字元讓沛國譙人年十四就師學人有辱其師者惇

殺之由是以烈氣聞曹操初起惇常為裨將領陳晉濟陰太守

加建武將軍封高安鄉侯大旱蝗起乃斷大壽水作陂身自負

土率將士勸種稻民賴其利文帝即王位拜大將軍卒三國志本傳

夏侯惠字稚權淵之子也幼以才學見稱善屬奏議歷散騎黃

門侍郎與鍾毓數有辯駁多見從遷燕相樂安太守卒年三十

七三國志本傳並注

吳呂範字子衡汝南細陽人避亂壽春孫策見而異之遂歸策

從破廬江還俱東渡領宛陵令討破丹陽賊自請遷都督委以

眾事軍中肅穆威禁大行後權征江夏範與張昭留守曹操至

赤壁與周瑜等拒破之拜裨將軍領彭澤太守權都武昌拜建

威將軍封宛陵侯領丹陽太守治建業初策使範典主財計權

私有所求範必關白後權統事以範忠誠彌見親信遷大司馬

三國志本傳

晉丁紹字叔倫譙國人少開朗公正為廣平太守政平訟理道

化大行臨漳被圍南陽王模窘急紹率郡兵赴之城賴以全遷

徐州刺史士庶戀慕攀附如歸復轉荊州刺史渡河至許時南

陽王模為都督畱紹啟為冀州刺史率州兵討破汲桑加甯北

將軍假節監冀州軍事紹自以為才足為時雄視天下之事若運於掌握遂慨然有董正四海之志永嘉三年暴疾而卒贈車騎將軍

晉書本傳

齊夏侯恭叔譙國人垣崇祖在豫州聞其才義辟為主簿兼掌書翰高帝即位方鎮皆有賀表王儉見崇祖啟咨嗟良久曰此恭叔辭也崇祖為武帝所誅故人無敢至者獨恭叔出家財為殯時人以比欒布後為竟陵令惠化大行木連理上有光如燭咸以為善政所致

南史本傳

梁夏侯詳字叔業譙國人年十六父喪廬墓有三足雀來集其廬服除刺史殷敬珉召補主簿宋太始初敬珉以豫州叛明帝遣劉劭討之詳勸令歸款一州以全令新汲治有異蹟梁武帝起兵以詳為中領軍南郡太守軍國大事多決於詳天監元年

徵為侍中封甯都縣侯改封豐城縣公遷湘州刺史善吏事為百姓所稱徵為尚書左僕射道病卒贈開府儀同三司諡曰景

梁書本傳南史本傳

夏侯亶字元龍詳之長子累遷南郡太守父憂解職居喪盡禮遺財悉推諸弟起為司州刺史領安陸太守服闋襲封居州甚有威惠遷吳興太守在郡復有惠政吏人圖其像立碑頌美焉裴邃攻壽陽功未成而卒乃加亶使持節代邃與魏相拒頻戰克捷降城五十二以亶為豫南豫二州刺史加都督輕刑薄賦務農省役民戶充復卒諡曰襄二子誼損誼襲封侯景入寇誼與弟損率部曲入城並卒圍內

梁書本傳南史夏侯詳傳

夏侯夔字季龍亶之弟也累遷司州刺史領安陸太守帥將出義陽道攻平靜穆陵陰山三關剋之又自武陽會湛僧智降魏

將元慶和走魏將元顯伯及郢州刺史元顯達降詔改為北司州以夔為刺史封保城縣侯大通六年為豫州刺史加督積歲連兵人多失業夔乃於蒼陵立堰溉田千餘頃歲收穀百餘萬石境內賴之夔兄直先經此任兄弟並有恩惠百姓歌曰我之有州頻得夏侯前兄後弟布政優優卒諡曰桓子譔嗣官至太僕卿南史夏侯詳傳

北魏夏侯道遷譙國人單騎歸魏拜驍騎將軍後以功封濮陽侯歷華瀛二州刺史為政清嚴善禁盜賊卒贈雍州刺史諡曰明北史本傳

董紹字興遠銅陽人好學有文官中書舍人為宣武所賞豫州城人自早生以城南叛詔紹慰勞為賊鎖禁送江東梁武使勞之曰忠臣孝子不可無之今當聽卿還國乃引見之謂曰戰爭

多年人物塗炭若欲通好以宿豫還彼當以漢中見還及紹歸雖申說和計魏不許除洛州刺史頗得人情以拒蕭寶寅功

賞新蔡縣男孝武西遷除御史中丞後為周所害北史本傳

唐張路斯穎上人景龍中宣城令墾土田通水利至今城北有張路斯田集古錄張龍公碑跋舊志甯國府名宦新移

奚陟字殷卿亳州譙人祖乾繹天寶中弋陽郡太守陟登進士第又登制舉文詞清麗科授宏文館校書至左拾遺後歷金部

吏部郎左司郎中累奉使皆稱旨擢拜中書舍人江南淮西大雨為災令陟勞問巡慰所在人安悅之遷刑部侍郎裴延齡惡

京兆尹李充有能政誣奏充結陸贄數賂金帛又奏充妄用京兆府錢穀至多請令比部句覆郎中崔元翰曲附延齡劾治府

史笞決立威欲以陷充陟乃躬閱府案具得其實奏言度支所

奏李充所妄破用並是準敕及度支符牒給用已盡元翰不得遂其志憤恚而死陟尋以本官知吏部選事銓綜平允遷吏部侍郎貞元十五年卒贈禮部尚書舊唐書本傳

夏侯孜字好學亳州譙人累遷終等州刺史由兵部侍郎諸道鹽鐵轉運使為同中書門下平章事仍領鹽鐵懿宗即位進門下侍郎譙郡侯俄以同平章事出為西州節度使召拜尚書左僕射進司空為貞陵山陵使出為河中節度使咸通時南詔蠻變犯蜀深入士乏糧追責孜治蜀無備以太子少保分司東都卒唐書本傳

周李穀字惟珍潁州汝陰人少以任俠為事後發憤從學所覽如宿習舉進士晉天福中擢御史歷漢仕周開國之初倚以為相世宗征太原命穀先調兵食師還進位司空門下侍郎監修

國史河決齊鄆發丁壯塞之命穀領護刻期成功議伐南唐時請罷兵為便穀手疏親征有必勝之利者三世宗大悅用其策及淮南平出穀疏命陶穀為贊以賜之抗表乞骸骨罷相守司

空恭帝即位加開府儀同三司進封趙國公求歸洛邑從之宋建隆元年卒宋史本傳按李穀雖卒於宋名在宋史實未嘗為宋官未可列之於宋宦中也故仍繫之於周

宋張綸字公信汝陰人官三班奉職遷右班殿直從雷有終討王均於蜀有降寇數百據險叛使綸擊之綸曰不如諭以向背

用其說果棄兵來降遷益彰簡等州都巡檢部卒縱酒掠民立斬首惡數人眾乃定歷江淮制置發運副使時鹽課大虧奏請

除其宿負助其器用增課數十萬石復置鹽場於杭秀海三州歲入課又百五十萬石居二歲增上供米八十萬疏五渠導太

湖入海復租米六十萬開長蘆西河以避覆舟之患又築漕河

隄二百里於高郵北旁錮巨石為十礎以泄橫流泰州有捍海堰百五十里久廢不治綸議修復論者難之表三請願自臨役命兼權知泰州卒成堰復逋戶二千六百民利之為立生祠再

遷東上閣門使徙知潁州卒

宋史本傳

王臻字及之汝陰人舉進士歷殿中侍御史擢淮南轉運副使時發運司議濬淮南漕渠廢諸堰臻言揚州召伯堰實謝安為之不可廢濬渠亦無所益召為三司度支判官卒濬渠以通漕臻坐異議降監察御史知睦州道復官徙福州州鬪者多先食野葛趨仇家求鬪既死以誣人臻辯其誣往往釋之俗為之變仁宗即位累遷尚書工部郎中權御史中丞卒臻剛嚴善決事所至有風跡

宋史本傳

張傳字巖卿祖播為亳州團練使子孫遂為譙人傳進士及第

知奉符縣以修會真宮天書觀及增治岳祠薦知楚州會歲饑不待報發上供倉粟賑貸所活萬計因拜章待罪詔獎之除江東轉運使歷官至工部侍郎卒傳強力治事七為監司所至審覈簿書句摘奸隱州縣憚之傳曰此正所以愛州縣也吏不敢慢則州縣不復犯法矣人亦以為然

宋史本傳

魯宗道字貫之譙人舉進士為濠州定遠尉再調海鹽令縣東南舊有港導海水至邑下歲久湮塞宗道疏之人號魯公浦天禧元年始詔兩省置諫官六員首推宗道為右正言多所論列帝意頗厭因請對自訟竊恥尸祿請得罷去帝撫諭良久他日書殿壁曰魯直仁宗即位判吏部流內銓患銓格煩密及知吏所以奸狀多釐正之拜右諫議大夫參知政事章獻太后臨朝問宗道曰唐武后何如主對曰唐之罪人也太后默然時有請

立劉氏七廟者太后問輔臣眾不敢對宗道曰不可若立劉氏七廟如嗣君何帝太后同幸慈孝寺欲以輦先帝行宗道曰婦人夫死從子太后遽命輦後乘輿曹利用恃權驕橫屢於帝前折之貴戚用事者皆憚之目為魚頭參政再遷禮部侍郎病劇帝臨問卒贈兵部尚書諡曰剛復改肅簡議者以為不若剛之得實云

宋史本傳

張信臣字公立亳州人授浦江尉大旱齋禱白石山三日而雨吏民立祠於山側調譙縣主簿升知長洲縣嚴禁屠牛又為泗州招信縣濱淮盜賊聞其至皆遯去後為遂州通判州民李十師以左道惑眾遠近患之信臣發其罪遂人以安瀘井涪井鹽苦羣蠻抄掠欲障塞以限內外眾不敢往信臣奉檄毅然冒暑就道至則召酋長諭以威德正其疆界壘成而邊患絕

江南通志

州府志

高士林字才卿蒙城人宣仁聖烈皇后之弟也官內殿崇班殿直喜儒學涉經史嘗監揚州召伯廂稅木舊用火印士林改刃其印文鑿以為識尤簡便旁郡皆效焉

宋史高遵裕傳

魯有開字元翰宗道從子也以蔭知韋城縣曹濮劇盜聞其名不敢入境調知確山興廢陂溉田數千頃富弼薦之以為有古循吏風知金州有蠱獄當死者數十人疑其眾訊之果誣時天方旱獄白而雨新法行有開自南康軍代還安石問江南如何答曰其患當在異日以所對乖異出通判杭州知衛州水災人乏食貸常平錢粟與之且請蠲其息徙冀州增隄明年河決水果至不能冒隄而止朝廷遣使河北民遮道誦其功後官至中大夫

宋史本傳

常秩字夷甫汝陰人屏居里巷以經術稱嘉祐治平中累命以官皆不受神宗卽位三使往聘始詣闕帝問何道可免民於凍餒對曰法制不立庶民食俟食服俟服此今日大患也拜右正言卒贈諫議大夫秩平居爲學求自得同里王回名士也每見秩與語欲然自以爲不及宋史本傳
曹穎叔字力之譙人進士及第歷夔州路轉運判官夔峽尙淫祠人有疾不事醫而專事神悉禁絕之教以醫藥累遷右司郎中爲陝西都轉運使自慶曆鑄大鐵錢行陝西民盜鑄不已穎叔請罷鑄以三鐵錢當銅錢之一從之兩川和買絹給陝西兵而蜀人苦於煩斂穎叔爲歲出本路緡錢五十萬以易軍衣之餘者兩川之民始無擾焉後知永興軍卒於官宋史本傳
高遵惠字子育蒙城人以蔭爲供奉官熙甯中試經義中選換

大理評事元祐初上書言法度更張事有當否如先帝施設未可輕議擢太僕少卿歷官戶部侍郎以龍圖閣直學士知慶州

卒宋史高遵裕傳

王定民亳州人元祐中知衡陽縣兼權教授修葺學宮撰勤學文以告多士士皆知奮一統志湖南名宦

張允蹈譙縣人隆興二年以朝請大夫知興化軍事先是延建汀邵山寇起轉運使暫移本軍苗米二萬五百石輸省會以佐軍輿已遂沿爲成例名猶贖米民不勝病允蹈狀於朝蠲其半福建通志新增

高世則字仲貽蒙城人幼以恩歷官閣門祇候宣和末金泛使至命掌客世則記問該博應對有據自是掌客多命之金人軍城下邀親王議事高宗在康邸請行世則以副使從高宗艱難

中世則嘗在左右大元帥府建政府參議官請布檄諸路以定人心及卽位詔編類元帥事迹付史館帝念宣仁后保祐三朝外家班秩無顯者以為盛德軍節度使進開府儀同三司奉朝請兼判溫州以病告罷進少保卒贈太傅諡忠節宋史高遵裕傳

高子潤蒙城人為烏程主簿疏三十二瀆達於湖復晉宋舊蹟民賴其利一統志浙江名宦

金郭通亳州人大定元年擢陝西路轉運使都句判官時晉絳戶稅轉運平涼通監視之官吏無敢秋毫犯後為絳陽軍節度副使父老咸曰此昔平涼閔恤我曹者也期年大治絳人繪像於天甯寺舍立石紀德終清河防禦使山西通志

王賓字德卿亳州人貞祐二年進士為人外若曠遠而深有謀畫天興元年亳州楊春為變節度使鈕祜祿荆山力屈出走賓

與前譙縣尉王進魏節亨呂鈞約城中軍民復其州楊春遂遜事聞哀宗嘉之授同知集慶府擢刑部尙書一統志穎州府志

元呂謙字和之亳州人從巴延南征拜將軍鎮守上海當春勸農召父老謂曰善牧羊者先去敗羣善治民者先除民病里胥畏憚境內肅然南畿志

蔣文煥字彥章蒙城人至正間尹於濳縣當兵凶疾疫之餘專以招徠撫字為務浙江通志

章克讓穎上人元統間進士任繁昌尹明敏果斷謝事歸里四壁蕭然穎州府志

程元直亳州人至元間為交城尹勸農興學政平訟簡升絳州守祀名宦山西通志

顏高太和人察罕將也善論兵察罕死為庫庫進據陝西後見

庫庫不受朝命列其罪狀聞於朝賜號忠義功臣知樞密院兼
平章總河北軍事明史及元史類編作庫庫特穆爾

明安然潁州人本自祥符徙元季以左丞守萊州明兵下山東
率眾歸附累官山東參政撫綏流移俸餘悉給公用洪武二年

召為工部尚書出為河南參政歷浙江布政使人為御史大夫
改左中丞坐事免未幾設四輔官以然為之然久歷中外練達

庶務眷注特隆十四年卒帝念其誠親製文祭之明史本傳
蕭鵬舉名翀以字行南直太和人洪武中以賢良應製賦指佞

草詩稱旨授蘇州府同知轉山東運使正直清廉官聲第一山東通志
李敏潁州人洪武五年由辟舉為工部尚書改江西行省參政

九年復除工部尚書居官有聲卒賜祭葬江南通志

竇松潁州人洪武初由辟舉任監察御史雅尚節操有冰蘖聲
同州樂世英亦由辟舉入仕歷任有聲官至四川布政使又盧

彥昭潁州人以隱德聘為四川布政左參議有風采吏畏民懷
陳居敬蒙城人以貢歷官至戶部侍郎居官清慎所至有政績

潁州府志吳斌霍邱人由太學生擢刑部主事持法不撓洪武二十八年
為都察院左都御史明史七卿表

章順舉字元凱潁上人洪武中以人才薦累官河南布政使有
奇績尋調廣西吏畏民懷江南通志

張泌字淑清潁上人洪武中由歲貢授兵科給事中永樂時為
光祿寺卿勤於其職既歿吏部每除光祿寺官成祖必問得如

張泌否一統志

張思恭蒙城歲貢授刑科給事中有暮夜以金遺者卻不受其人委金而去詰旦言於朝上嘉其有守升刑部侍郎馭下嚴明人畏服之嘗兼綜軍務鎮備邊防為時名宦江南通志

張璧蒙城人洪武初知潞城縣修舉廢墜招撫流移政行朞年民懷吏畏山西通志

陳巖蒙城人初名亮以薦召見賜名巖命招諭湖廣洞寇及境寇猝至巖無怖色宣諭德意悉羅拜又遣督遺租於常德察其土瘠民貧令輸鈔帛代之為慈溪縣丞民困加賦奏免額外之征歷官台州府通判江南通志

蔣學穎上人洪武中應求賢詔授伴讀仕至廣西左參政文章政事並稱一時同邑秋茂字可才由太學生授望江教諭升江西僉事調湖廣所至有政績又吳道東字文昇太和歲貢仕戶

部主事會計國用區處有方潁州府志

趙亮亳州人官慶雲縣典史督民耕織歲荒捐俸買穀以給貧民升崇仁知縣盜息民安尋升撫州知府江南通志

陳嘉慶穎上人永樂間以舉人知安陸縣精敏有才節縮甲里賦均徭簡乃酌畫其法名曰便民政略徧諭閭閻俾民不為吏胥所欺擢南工部主事鑄錢抽稅一塵不染升郎中一統志湖北名宦

卜謙字宗讓穎上人永樂中以舉人授工部給事中嘗從皇太孫監國南京忠於輔導丁內外艱廬墓六載宣德間直文華殿嘗陳十事並見嘉納升陝西僉事轉山東副使左遷陝西參議民聞謙至歡迎者塞途尋以足疾致仕萬姓統譜江南通志

韓璽穎州人以貢授工部給事中選侍皇長孫講讀日承顧問尋遷山東按察副使宣宗御極思念舊人召還侍文華殿忤權

貴出為廣東參政致仕自近侍至藩臬廉謹自持歸日室如懸

磬泊如也萬姓統譜 江南通志

李湘字永懷南直太和人永樂時知東平州常祿外一無所取

嘗築城東戴村壩以除水患又督勸開荒墾田屬邑無不藝之

土會舊官當還任民乃詣闕請畱遂復任十餘年山東通志

楊越太和人永樂中知臨武縣凡政不便於民者即請罷之公

慎自持吏民畏服湖南通志

王質字孟瑾太和人永樂中以舉人擢御史上疏陳十事時松

門有羣聚謀為盜者奉命往察還奏止罪渠魁餘悉宥之正統

二年升山東布政使濟南多虎禱於神三日捕虎十七餘皆引

去累遷刑部尚書勤慎清約所食惟蔬糲人呼青菜王一統志

李芳穎上人永樂乙未進士選庶吉士改刑科給事中宣宗數

御便殿與大臣議事芳言洪武時大臣面議時政必給事中二

人與俱請復其舊帝是之後以事謫海鹽縣丞江南通志

關好文字志學太和歲貢任漢陽推官改河間府門無私謁獄

無畱滯孫洪亦由歲貢知欒城縣有善政頤州府志

李秉字克儉穎上歲貢授戶科給事中直言敢諫升汝甯府知

府有惠政頤州府志

貂安字治民太和人宣德中由歲貢知內邱縣興水利建洪濟

雲溪二橋民不病涉任滿民詣闕保畱復任升泗州知州民祠

祀之頤州府志

陳嶷字九峰蒙城人宣德中舉賢良方正授刑部照磨屢決疑

獄大學士楊士奇薦之擢御史巡按浙江風采嶷立蜀獠叛胡

澗舉嶷往剿嶷集將士授方略一戰而克升陝西副使一統志

王維太和人正統中知巴縣鋤強植弱興利除害民愛戴之湖

通志

董策亳州歲貢知城武縣調邯鄲有牛馳入堂上若有控者視之角折因緝其人而杖之又湯陰縣吏以數驢負官銀過邯鄲為賊驅一驢去取銀逐驢驢奔入縣策怪之使人隨驢任所之果入賊家吏方哀號而賊與銀已俱獲境內旱蝗禱於神忽有大鳥數千啄而盡之世頌董君三異穎州府志

陳謨字古訓霍邱舉人景泰中知霑化縣有政聲又名顯字孔彰穎上歲貢任南陽通判歷升夔州同知所至有聲卒年百歲有奇穎州府志

郭昇字騰霄穎州人天順庚辰進士授工部主事督運徐州呂梁洪舊有巨石百餘船觸輒沈昇鑿去之發岸以石板束以鐵

釘灌以石灰為功甚鉅植柳濬井以濟行人挽者便焉值考課軍民詣闕請留擢郎中仍涖洪事維揚河淤運舟膠淺檄昇治之昇疏淤滯至儀徵白塔河插河溢則洩於江江漲則引於河蓄蓄有法運道無阻升陝西參議未任卒今洪上有郭公祠江南通志

通志

陳釗蒙城舉人宏治間知臨海縣政尚簡靜一世宦與儒生有爭以理折之勢莫能撓刑清賦省閭里晏然浙江通志

王章字文顯太和舉人成化中知臨邑縣民有訟者一訊立辨同邑陳貴以舉人知棲霞縣廉謹愛民有循吏風又劉忠以歲貢署懷甯等縣所至清操自持吏民悅服穎州府志

劉剛字宗柔太和舉人知壽張縣剖決如流邑有婦人改嫁而死者兩家爭欲葬之判云生前改嫁已無戀子之心死後歸塋

難見前夫之面訟遂決其聽斷明決多類此江南舊志

張守亨字嘉會潁州人宏治丁未進士知臨邑縣廉得巨猾劉

某等數十人置之法遷陝西華亭縣縣依山險多盜守亨設計

擒其魁盜遂息每春秋巡行田野勸民耕作月朔召耆民訪問

閭閻利病次第興除大旱步禱應時即雨歲亦大稔一統志

朱詮霍邱人以貢知寶豐縣洞寇擾境詮計獲其首斬之調渠

縣教民務本民德之為立生祠後官至陳州知府潁州府志

曾顯太和人宏治中知靖州課農桑革重耗舉動必求便民州

人立石頌之湖南通志

盛雲字惟高潁上歲貢任日照縣主簿日照民不知耕教以樹

藝民立祠祀之同邑卜釗知臨朐縣勞心撫字民立德政碑潁州府志

劉朝潁州人官新安縣丞治尚寬平遷德慶州判時藩司行部

將至境獠人圍之朝馳入獠中諭以禍福圍乃解擢知興甯縣

乞養歸江南舊志

徐熙霍邱歲貢知巴縣縣多虎患舊令設機奔捕之愈甚熙盡

撤其具齋沐告神虎遠逝江南通志

姚相霍邱人以貢官三河牧廉潔自持歸日惟圖書數卷同邑

姚偉以歲貢知交城縣潔己愛民歸橐蕭然又王臣以貢知博

平縣居官以廉介聞潁州府志

儲珊字朝珍潁州人宏治己未進士知清江縣擢御史巡按山

東抗疏奏劉瑾不法謫岢嵐州判瑾誅起南兵部主事擢浙江

僉事劇賊王浩入亂桃源提兵剿之戰屢捷偶與上官左即拂

衣歸江南通志

重修安徽通志卷一百九十九
高桂字月庵穎上人官德興永宸濠叛巡撫王守仁討之桂以督餉功升萍鄉知縣引年歸江南通志
周尙化太和人正德四年知邳縣強寇壓境修築土城竭力守禦城賴以全邳州志

重修安徽通志卷一百九十九

人物志

宦績二十二

穎州府

趙廷臣太和人正德中知盧溪縣憫邑中賦役煩重條陳便宜裁革冗役民免重困湖南通志

曹璉字德威霍邱人正德甲戌進士歷戶部郎中屢以餉軍有功受金帛羊酒之獎者六同時孫崇德字一之太和舉人知遠安縣升大名府通判亦以督餉功升廣東提舉穎州府志

王確字介夫穎上舉人知餘杭縣有孫榮者被誣成獄確爲力辨得減死邑有志鈔本未成確爲成之餘杭有志自此始以艱歸後補東明以治河功擢知汾州力裁宗室暴橫在餘杭時嘗

卻餽金邑人為建卻金亭以志之 浙江通志 江南通志

張光祖潁州人嘉靖壬辰進士知鉅鹿縣調上虞修白馬湖築

海塘四十里民祠祀之擢御史巡按關中疏劾總制以下殺無

辜冒功者忤權貴意遂罷歸 江南通志

尙爵字淑仁潁州舉人知掖縣有道失環者責償逆旅主人爵

白其冤遷永平通判灌園得金掩其封不取致仕歸爵性至孝

父病藥石髓粥必親嘗便溺器必親滌歸後僻處村落不入城

市 江南通志

盧晉字伯進潁州舉人知興國縣有寡婦訟虎食其子晉檄於

神虎自死遷重慶府通判 潁州府志

郭樑字大用太和歲貢官莒州判剛直不阿同僚貪墨必面斥

之郡人逃移者多賴安輯 潁州府志

王謨字體文潁州人嘉靖壬戌進士投保定推官屯田使者逮

百許人羅織成獄謨有憂色母問故跪曰兒不能殺人媚人恐

失使者意以貽母憂母曰兒為仁人我不能為仁人母乎竟平

其獄擢給事中穆宗與諸奄至虎圈前驅呵避正色斥之劾大

璫李璋又劾首相高拱出為湖廣參議謫興平丞修洪口堰納

金山諸泉秦民賴之後官浙江僉事 江南通志

李學禮字子立潁州人嘉靖己未進士授戶部主事敷歷中外

三十年歲歉嘗輸粟活饑民萬餘又嘗開膠州河以利漕運乞

養歸 江南通志

陳懋昭字建中太和人嘉靖甲子鄉貢歷福建鹽運同知卓犖

廉靜時議開大田新港懋昭謂新港開則西路塞課且滯竟報

罷 福建通志 新增

王之屏字汝藩潁州人嘉靖乙丑進士知永嘉縣有異政晉戶部郎升建昌知府誅瀘溪妖僧疏通錢法御史劉臺劾張居正巡撫王宗載希居正旨欲殺之之屏力爭得減戍歷升雲南右布政

江南通志

王希喆字希賢太和舉人知蒙陰縣居官清正邑有宦豪素恣橫喆至斂戢在任日惟蔬食每旦置數錢門外令隸卒買菜以

江南通志

許廷桂字世芳蒙城人嘉靖癸未進士知阜城縣擢御史劾宦官七人觸大璫怒削職嘗奉差印馬疏請江淮折色一省皆頌

其德江南通志

李維字國張蒙城人嘉靖丙辰進士知海甯縣倭寇犯境撫民禦敵皆中機宜邑賴以安升南大理評事以親老歸

潁州府志

胡明善霍邱人正德辛巳進士知甯鄉縣剛直而審於聽斷鄰

邑有不平者爭乞為理積穀近萬石以備賑濟擢御史

湖南通志

蘇偉太和人嘉靖中知來陽縣請歲支羨餘以建學宮在任僅

七月以艱歸邑人為立去思碑

湖南通志

李元陽字仁甫太和人嘉靖丙戌進士按閩中疏請均徭之外

酌量輕省詔下其議

福建通志 新增

潘孟時蒙城舉人官刑部郎中雪冤獄數百調戶部致仕

潁州府志

邱隅潁上歲貢判曹州管馬政卻常例千金改禹州奉檄決疑

獄者三有青天之頌

潁州府志

姜湧蒙城舉人知曲陽縣調武清地多內臣執法不阿

潁州府志

白夏字履中潁州舉人知靈石縣課為三晉第一後遷直隸安

縣張居正病諸郡邑為祈禱夏不肯列名遷汾州守汾有悍宗

為民患夏東以法皆斂手去汾人尸祝之江南通志

蘇湖太和人萬歷四年知海甯縣時值海嘯塘圯水溢漂沒廬

舍溺人無算巡撫徐斌議修築而難其人湖適至即委之定議

擇本縣官民之廉幹者令各認丈尺編字號酌難易為裒益剋

期興作懸賞格以課督之三月而役竣浙江通志

遲可化頴上人以選貢知封邱縣裁強藩侵地消左道戎心卻

民餽遺絲毫不染頴州府志

李國士字汝志亳州人萬歷丁丑進士知豐城縣擢給事中故

事省中有疏先白政府國士曰儻關白而有所撓將遂止耶因

是與政府左出為浙東僉事台州大旱禱於關壯繆祠雨隨澍

大學士潘晟子復泰幼悍僕與外戚構擯於外國士置構禍者

於理而潘得有後升陝西右布政思明之役調兩省兵七萬討

之國士監軍冒暑雨瘴癘兼程抵太平賊聞之氣奪乃諭脅從

罔治降者三萬四千人進山西左布政乞休歸浙江通志 江南通志

王道增字益甫頴州人萬歷庚辰進士擢御史視鹺兩浙以劾

債帥不法忤當道轉湖廣僉事閩人李贄以儒起家二千石削

髮鬻鬚肆為隱怪縉紳惑之道增獨逐之出境贄後以左道被

逮眾始服其持正仕至四川右布政江南通志

王維垣字伯師頴州歲貢授合州同知知州劉冠南為推官所

誣被逮士民赴闕訟冤事下撫按推官擒為首者將以激變論

如律維垣詣兩臺力辨冠南事無實百姓為賢守訟冤不當坐

事得解推官銜之遂拂衣歸江南通志

胡應聘字任宇頴州舉人知海豐縣歲大饑賑米不足請於上

官出庫銀俾民易粟又貸民牛種有輕罪者令搜草根自贖由

是荒蕪盡闢收獲數倍遷灤州知州未幾謫東藩理問監太山香稅一無染指後以德府審理致仕環堵蕭然人稱廉吏

江南通志

張名立字德饒太和舉人知秦州廉謹愛民行刑輒哀矜不自

已致仕歸值乙亥寇變誓死防禦城賴以存

潁州府志

徐治民字元禮潁州歲貢知棠陽縣戴星出入百廢具舉尚書

張鶴鳴餉雲中夜過縣聞鈴柝聲達旦問役者曰使君防盜不

敢懈也歷遷刑部郎治獄屢折權貴出為平越知府輦下泣送

者數萬人

江南通志

劉九光字文孚潁州人萬曆乙未進士知清豐縣歷兵部郎中

條上方略十事悉允行轉山東參政督理糧儲國用充而民不

擾兼設法救荒多所全活擢廣西右布政分守蒼梧徭人窟於

箐峒時出剽掠將吏請剿以邀爵賞九光不可諭以德威無不

輸服升雲南左布政乞休歸

江南通志

戴日強蒙城舉人知餘杭縣南湖自嘉靖後塘堰漸圯奸民盜

決漲塞為平陸種植其中天目諸山水發湖不能受南鄉十八

里之民漂溺幾半而錢塘亦被其害日強清釐舊疆盡闢湖隄

縱橫十字培原隄各五里互湖中既合土之出有所容而亦藉

隄之力以暫緩洪波衝激之勢於是斗門函堰之制畢周各設

壩夫守之而湖復故

浙江通志

田既霑霍邱人萬曆中知藍山縣建東橋築江隄懲豪右之害

民者在任五年多惠政

湖南通志

鹿獻陽字宇光潁州人天啟乙丑進士授大同府推官方奉檄

赴新平至聚落城時大同猝被圍屯堡防禦久疎獻陽與吏民

分地堅守閱數日援至圍解論功以邊才薦奉敕嘉獎

江南通志 潁州府

湯勛穎上人以貢授桃源簿時邊餉督促勛調劑有方不加賦而餉足穎州府志

劉士名字姓允穎州人崇禎戊辰進士知黃巖縣為政嚴肅大庭之上儼若神明歷任山西少參備兵懷隆備築亭障秣馬訓

兵壁壘旌旗為之一變以艱歸浙江通志 穎州府志

田用坤字同乾穎州人崇禎戊辰進士授行人歷官江西右參議分守湖西有邊灘地數千頃上官欲派糧起科用坤恐水漲後復為民累堅不肯報引疾歸穎州府志

甯子慶字大履穎州人崇禎甲戌進士知掖縣縣新罹兵悉心撫字民獲生全更值軍興旁午郡縣難支子慶辦理裕如大吏交章薦之擢戶部主事轉員外郎專督新餉委曲應辦從容中款改吏部忌者擠之即移疾歸江南通志

元豫字建侯穎州舉人授嚴州府推官郡苦皇緡運船之累力請疏奏分派積害得除所屬遂安等邑賊黨嘯聚豫兼布恩威諭以禍福遂解散穎州府志

林冲霄字斗客霍邱人崇禎甲戌進士知崇德縣又補鄞縣歷著善政晉禮科給事中調吏科多所建白著述亦富穎州府志

高天佑字味元穎上人以選貢知觀城縣除暴安良升左州知州致仕歸時邑屢被寇凡築城濬河備火器理糧餉靡不竭力從事更建敵臺於城東北隅以備要害親冒矢石者一月寇甫退忽暈仆城上昇歸而卒江南通志

張大章字含甫穎州人以蔭官戶部主事遷員外郎權稅蕪湖時商船苦盜大章廉知皆本關蠹役所為擒置於法冗役胥裁商人立碑頌焉穎州府志

國朝李文煌字包閣潁州人順治丁亥進士選庶吉士改吏科給

事中條陳利病皆中機宜出為廣東參議時版宇初定有負固

未服者或剿或撫悉歸誠焉遷鄖陽副使民貧驛衝積寇盤踞

戶口流亡文煌招撫墾闢境晏然轉冀甯參政江南通志

黃陞字子納亳州人順治初以拔貢知項城縣廉幹有聲升茂

州知州建學宮清糧餉減稅課在任七年有麥秀七歧之異以

老歸江南通志

吳孔達字子先蒙城人順治初舉賢良授睢州訓導軍興河決

學宮傾圮遷建於縣東南與諸生講習經史士風聿振蒙城縣志

王獻明字素功潁州人順治中以貢知遂昌縣僻處萬山土瘠民貧獻明勞心撫字勸募墾荒招集流亡邑有里夫之累為

減其差修學禮士清飛詭雪株累邑人頌焉致仕歸潁州府志

劉象震霍邱人順治七年知新會縣時盜陳德貫作亂象震請

兵擒滅之歲饑煮粥食民其婦孺不能來者計口給米多所全

活擢西安同知已辦裝值西逆犯城遂協力守禦八月圍解乃

去一統志廣東名宦

王輝字衷樸霍邱人以貢知元城縣地衝民貧疲於迎送輝薄

斂輕刑有神君慈母之頌卒於官潁州府志

劉佐臨字與襄潁州人順治己亥進士授兗州府推官有巨盜

於七張四兩案株連甚眾力為平反誅首惡釋無辜未幾裁推

官補武城知縣縣經李化鯨亂後民散土荒招徠勸墾一二年

閒人盡復業庚戌夏令民修築城隍民以農時求緩不聽且嚴

督之隄成二日河決不沒隄者尺許眾驚為神立碑頌焉遷汾

州府同知告歸

江南通志

劉壯國字幼功佐臨弟也與兄同登進士知夏縣革里長陋規

設義學延師教士鹽池水決壞姚暹渠隄三十里例與安邑解

州合築皆請期一月壯國遂專任之三日告成聞喜縣有孝子

郭景汾報父仇殺人引復讐議得不抵後以勘臨晉荒語觸巡

撫罷職歸里

江南通志 潁州府志

劉濟寬字公定亦佐臨弟以舉人知宣平縣當耿逆亂定城市

邱墟請給牛種招徠墾闢歲疫廣施醫藥全活甚眾

江南通志 潁州府志

郝翼字先五潁州人康熙初以舉人授漢陽府推官廉平不擾

兼有吏才

大軍南征委催九江軍需星夜經理比軍至而楚北糧芻早積城

下戎事初罷案牘山積按律原情務從輕比以勞卒官

江南通志

劉摺字子方潁州人順治己亥進士知洪洞縣縣有龍社里山

洞深險頑民逃入不奉租調且時剽掠摺率精騎直抵洞中擒

其魁餘黨悉散汾河水溢沒田萬餘畝勘山中棄地勸民開墾

得熟田如沒數焉在任六年境內大治會與上官齟齬遂歸

通志

王公楷字木重潁州人順治辛丑進士知成安縣鄰邑有告夫

被殺者株連數十人公楷奉檄理之訪得里中自某死後有屠

沽兒往外未歸即命蹤跡捕之果得因奸殺死狀獄遂決縣苦

漳水請豁瀕河地租晝夜行泥淖中率民修築隄防疏通畎澮

未幾水竟西徙出境士民德之以艱歸

江南通志

李甲聲字公振潁州拔貢知廣西天河縣叛民殺官吏會兵進

剿奉檄監軍甲聲以叛民因憤怨相誘惑頓兵緩其誅逆黨相

繼解去乃乘閒搗賊巢殲其魁亂遂定遷漳州同知隨征臺灣
率敢死士冒險先登敘功升廣州知府調慶陽所至勸耕平訟
甚有聲一統志

甯誥字龍錫潁州人順治己亥進士授常德府推官後以裁缺
補上海知縣建書院躬考課致仕歸有友年老無子為置妾得
子其好義類如此潁州府志

黃家鼎字升耳潁上拔貢知咸甯縣平獄慎刑築隄勸農嚴保
甲修學宮立社學諸政備舉擢兵部主事士民請留復任以勞
疾歸一統志陝西名宦

王覺民潁上貢生前明時流寇圍潁募壯士大破之斬賊二百
餘級入國朝以從南征有功授潮陽知縣又以守城功升太原知府致仕

歸潁州府志

張琦字佩玉潁州人康熙庚戌進士知陵川縣擢戶部主事歷
郎中時巡撫宋犖以旱災人告同官駁之琦不可曰今歲大旱
皇上宵旰憂勤奈何駁之別具允稿題覆得免正供銀一十八萬九千

兩遷建甯府同知多善政移疾歸江南通志

劉凡字元歎潁州人康熙丙辰進士知孟縣地高苦旱訪元郭
守敬引黃河舊蹟督民挑濬溉田數萬畝清理無主荒田建河
陽書院擢禮部郎中督學陝西作讀書譜為士子模範致仕歸

潁州府志

唐勳字萬有潁州人康熙己未進士知廬陵縣抑豪強清兼并
捐俸修白鹿書院以憂歸起補臨縣歲荒未及申請即發賑全
活數萬人江南通志

鹿祐字有上潁州人康熙壬戌進士知西安縣勸農桑興學校
修趙清獻祠墓時民多逋賦定三年帶征之法民賴以舒擢主
事晉御史遇事敢言不避嫌怨累官兵部侍郎巡撫河南豫省
多水患祐請借穀緩征民困盡甦以廉率屬吏治肅然引疾乞
休民不忍捨自豫至潁送者不絕卒

賜祭葬

潁州府志

任青銓字文澄潁州拔貢授巢縣教諭捐貲修學宮又闢臥牛
山隙地數十畝種蔬植木以爲學官養廉之資至今賴焉潁州府志
李紳文字陟吧潁州人康熙戊辰進士知蒲江縣立市廛通鹽
鐵建學宮置學田擢御史巡視東城陳奏悉中機宜督學山西
後以累去官尋起保定府平反疑獄疏通夾河以勞卒江南通志
連璧字符蒼潁州人以貢官內閣中書補台州郡丞海防鹽課

諸務繁劇處之裕如攝烏程令苞苴不入罷誤去職後以河工

效力署理聊城清理刑獄省釋株連甚眾潁州府志

石顯字孔彰潁上歲貢任南陽通判改大名升夔州府同知贊

政有聲享年百歲有奇四川通志新増

張扶翼霍邱人康熙初由選貢知黔陽縣邑境羅公山峒獠與
武岡諸砦鬪兵不解扶翼請發鎮兵壓其巢遣諭以利害單騎
深入猛感泣給以荒田令佃作免其役官兵至滇凱旋派黔邑
穀八千石草二十八萬斤扶翼以其狀陳於上官皆得請又爲
本道陳招徠之義一去寄莊之害一寬五年盡墾之限又條議
清丈之法凡城垣學校官廨多所完葺手纂縣志以備掌故統

志湖南名宦

連際穎字碩菴璧之子以貢知南漳縣調桑植創建石城升永

州府知府修學宮建濂溪書院士民德之孫恆山以貢知秀山
縣時縣民與松桃民爭地相讐殺往諭以義人皆悅服於所宿
處立碑曰連公信宿處調銅梁士民追送於湖口餽以金卻之
因以其資立橋名曰連公通濟橋府志
劉應寰字慕哲潁州舉人授湖北水利官監修江陵公安石首
監利松滋等處江隄乘小舟往來波濤中者四年漸次完固時
屢經水溢發倉賑卹又發帑銀六萬以爲急公者勸而應寰止
有督率之責無給散之權覩赴工者日哀號請命應之不能卻
之不忍慨然捐軀以謝百姓赴水而死楚民立廟江邊祀之潁州府志
顏光旰亳州人康熙庚辰武進士由侍衛任龍江關游擊捐貲
設立里仁會以助兵民婚喪之無力者又建書院課兵民子弟

升廣東春江副將值歲饑有司未奉檄不肯開倉光旰力擔平
糶升福甯鎮總兵陳奏保甲指掌冊設立倉儲二事下督撫行
之卒於官江南通志

吳茂林字松如潁州人康熙丙戌進士知井陘縣地舊不知種
植教以築隄引水蒔苗收穫民始知有水田之利署獲鹿代前
令償虧空之累置妾李氏訪知其伯係原任通州牧卽送還不
取其值潁州府志

李榮白字樂翁潁州人知臨城縣建石隄以捍城歲歉借種不
能償者代償五百餘石乞休歸潁州府志

方伯字英南潁州人康熙己丑進士知湘潭縣除邑中宿弊民
商稱便巴陵民變伯諭定之潁州府志

喻觀采字彤墀潁州人康熙己丑進士知都昌縣歲歉請賑未

及報聞遽開倉賑濟士民德之卒於官穎州府志

李竹字湘州穎州人知平山縣盜息民安升順甯知府民苗襍

處德威兼施卒於官穎州府志

孫士賢字軼凡亳州人康熙中以諸生知撫甯縣建義學興利

除弊縣當衝要驛馬不敷民苦派應士賢力請增馬民派永除

其累乞休歸士民泣送穎州府志

孫國柱字典樞亳州貢生雍正初以薦發往福建署甌甯知縣

調閩清所至蠲苛派墾荒蕪備儲積巨猾積盜弭耳伏法時大

吏檄飭各屬捐備社穀承風旨者刻期報盈國柱獨以地瘠民

貧面請弛期大吏怒將以沮撓劾之閩清去省近百姓聞之相

率報捐赴省投冊數為諸邑冠乃得免升懷慶通判擢馬龍州

知州革陋規興義學廉靜勤慎老而益厲以疾告歸亳州志

鹿驄豫字介石阜陽優貢雍正初薦舉人才官湖北沔陽州判

捐修江隄時稱鹿公隄阜陽呈冊仕至貴州鎮遠知府舊志

周天福亳州人乾隆九年知甯德縣戢暴除奸重儒興學士民

祀之遺愛祠一統志編建名宦

孫元炳字賡虞亳州拔貢國柱次子也曾以州判職分發四川

改發河南委署永城縣丞值河決調辦南岸新河功將告成忽

有異魚數百羣聚河口水大涌元炳乃作文祭之魚遂去而流

始暢以功題補陝州判盧邑令以派辦河料嚴急為民所毆辱

幾釀變元炳馳往諭以利害民遂解散安南來朝委辦迎澤渡

撰有伺渡紀略以艱歸亳州志

臺仕佳霍邱人官嘉祥知縣會修南旺湖椿木派民為害革而

禁之調陽穀邑有鵝鴨坡荒地千餘頃糧多逋欠勘明詳請咨

部豁免永除民累擢東平知州

霍邱縣志

朱際盛亳州歲貢官績溪訓導初到任即查前案被詳斥者二十餘人訪之輿論稽其案情力請督學矜全得復矜冠者十四多士感激又捐俸修學宮樂器課士有方告歸卒年七十九

亳州志

寶國華霍邱人乾隆庚子舉人以大挑官四川知縣擢江西南康府知府多善政後升廣東肇羅道所轄十六屬皆近海洋匪出入為民害國華警備嚴整無敢犯境或指東安民某為盜株連數十人察其冤立釋之東安為立生祠

霍邱縣志

何賜年霍邱人官四川知縣嘗署樂山輯獲巨盜又署西充歲饑傾囊倡捐賑稱最善邑豪為民害者立置之法解任之日士民遮道乞留

霍邱縣志

劉毓琇亳州諸生初補廣東湛川司巡檢署化州增城縣事值山水暴漲親駕小舟拯救兼辦賑卹貧民皆得實惠活人數萬後以獲盜功歷升至山東兗州府通判

亳州志

張鼎霍邱人乾隆己酉舉人官寶應訓導捐俸倡修學宮邑有漢臧洪陳容祠又明知縣李涑祠皆湮廢鼎為訪其遺趾復建之諸生有以訟被誣將罹重辟者為之白其冤得釋庚午寶應河決總督松筠捐廉賑濟檄鼎及丞倅等官督散同列皆畏憚之無敢侵漁去官日諸生餞送皆至百里外

霍邱縣志以上舊志

何天衢亳州廩生

賜舉人官廣東廉州知府清積案勸農桑葺學宮立社學置學田修養

濟院建城西二橋搜緝奸宄終山東濟東道

亳州志以下新修

徐錫智太和人河南鹿邑籍由舉人任陳畱教諭查勘黃水沙

歷地畝升廣東海康知縣設船烏石港總勇巡防擒匪多起洋

面肅清嘉慶初病故

太和縣志

王統字會一阜陽拔貢由教習分發四川知縣嘉慶十五年署

江油縣事性耿介操履刻苦減徭役重學校設立義學瓜代日

士民為具資斧泣送者數千人後卒於成都寓所貧無以斂江

油士民請畱其櫬而贍其孥其子不可負櫬以歸

四川通志

汪振基字良山穎上進士授編修道光乙未督學山西崇正學

釐祀典請毀三教廟奉

旨允行通諭各省一體嚴禁游轉侍讀終候選道著執硯齋集

穎上縣志

鹿啟列字咸正阜陽舉人湖北知縣道光中署棗陽捕治鹽梟

土豪署崇陽時鍾人傑甫平撫循勞來民賴以安卒官民立石

識遺愛

阜陽縣志

李大年字耆英阜陽增貢湖北安陸同知署德安知府積案一

空委鞫荆屬爭洲毆官獄一夕定讞署襄樊同知捕教匪擒其

渠魁解散餘黨攝荆門州捐修隄工代賑水災有婦殺夫以被

人縛溺告大年按驗婦室得斷繩與尸繩截痕宛然詰問驚服

時稱神明

阜陽縣志

